

## Ministerio Publico a cambia maneho sin consulta cu minister Bikker



Pagina 3

## Serie Ciudad Oranje ta un inspiracion di bida real



Pagina 2

## Debatiendo pa cambia reglanan pa opera casino



Pagina 4

## Pelotero Arubiano como e di dos miho batiado na Italia




Pagina 18

## Bahamas: Virus agresivo a afecta centenares di turista

Pagina 7



## ‘Nos ta pone un barera pa stroba di explora nos potencialnan’



**ORANJESTAD – Den un entrevista cu Juan Francisco Pardo cu Bon Dia a haci recien el a splica con e idea di Ciudad Oraño a bin. Esaki lo ta e prome novela/serie cu lo presenta na Aruba y esaki lo keda presenta dia 1 september venidero.**

Sr. Pardo ta splica cu e idea di Ciudad oraño tabata pa cada escena lo tin den e serie ta pa tin algo oraño den dje. E ta bisa esey ta e idea inicial pero el a cay afo pa motibo di budget. Pa no tin budget e ta bisa cu por perhudica e placa no t'ey pa asina logra manera nan kier. “No tur ora sponsor ta coopera cual ta hacie un poco mas dificil.” E ta bisa cu tabata un challenge.

E serie cu lo muestra manera pelicula ta conta cu 5 episodio di 20 minuut. Segun sr. Pardo e actornan a train actuacion y train un script. Nan a haya 100 pagina pa tur actor siña for di cabes.

Pa siña un script ta un dedicacion sr. Pardo ta bisa. E ta bisa cu hopi kier actua, nan kier siña pero tambe nan mester sinti e personahe cu nan lo actua anto tur esey nan ta traha cu hobennan. El agrega tambe cu e actornan di ‘ciudad oraño’ a train henter un año. “E hendenan ta bay keda sorprendi di wak un bon actuacion. Bo lo keda hinca den e serie. Si nos cuminsa kere mas den nos hende e ora ey nos ta duna oportunidad pa hende por kere den nan mes.”

Mas o menos 50 actor a participa den ciudad oraño asina sr. Pardo ta bisa. E ta agrega pa actornan cu no solamente a tuma parti den actuacion, pero tambe den produccion. E ta splica cu nan tabata activo den cualkier proyecto.

Sr. Pardo ta remarca cu no por haci film na Aruba, mester bay afo sea Hollywood paso ta ‘duda den nos cualidadnan’. E ta bisa cu Aruba tin talento pero, ‘nos mes ta wanta nos mes abou’. Segun e ta remarca cu ta pone un barera den caminda cu ta stroba di explora cada ken su potencialnan. “Nos no ta wak leu, nos ta riba un isla, pero pa tur hoben cu tin un soño nada no ta imposibel.

Tur hende mester por kere den nan mes asina sr. Pardo ta bisa. Un persona por ta na Aruba pero e por ta tur caminda. Segun sr. Pardo pa un persona por yega leu mester tin un bon storia y un bon actuacion pa asina e storia por yega tur caminda.

Tocante e mensahe cu ‘ciudad oraño’ ta bay duna segun sr. Pardo ta heftig ‘e mensahe ta hopi importante’. E ta bisa cu tin diferente temanan manera bullying, problemanan social di famia, entre hobennan.



Sr. Pardo ta bisa cu el a skirbi e serienan aki ora e tabata tin 14 año. E ta bisa cu 26 año e parti interesante ta ora el a bin cu idea pa motibo di uza articulo den corant, un di nan cu el a menciona tabata tin un night club unda cu un guy a bin tira un persona cu revolver anto herida otro persona, anto esey tambe ta algo cu a inspir’e hunto cu su problema na scol.

El a agrega tambe cu despues di 26 año el a spera pa tur e problemanan social a mehora, pero e ta bisa cu el a bira pio. “E ta un inspiracion di bida real,



cosnan cu mi a wak ora mi tabata hoben. Hende cu ta comete suicidio. Ainda e cosnan aki ta pasando”, e di.

“Tin un melding prome cu serie cuminsa pa motibo cu tin hende sensitivo pa wak cosnan asina. Tin escenan fuerte. no ta recomendabel pa mucha wak’e pa asina no crea idea y por tin un influencia riba nan .

Segun sr. Pardo e ta kere cu e serie aki lo bay tin un impacto pa comunidad di Aruba. E ta bisa cu porta algun hende no lo bay gust’e paso e ta fuerte. E ta describi cu e lo ta un ‘eye opener’ pa hopi hende. “E hobennan aki a hacie hopi creibel. Nan ta kere locual nan ta wak. Nan a sinti e personahe y wak e persona.”

E parti di conscientisacion pa e hobennan y nan problema segun sr. Pardo ta pa tur sinti identifica y pa trece solucionnan tambe. E ta bisa cu e serie ta muestra obstaculonnan cu ta confronta, pero cu tin un solucion. “Pa tur hende ta consciente di nan accion, pa nan realisa kico a haci cu nan conducta y cu esaki por afecta e resultado di relacion cu un otro persona. E persona ta realisa cu actitud tin cu cambia.”

Na final sr. Pardo a bisa cu hende mester tene den mente cu e ta un storia ficcion ‘e ta inspira pero e ta ficcion’. E ta uza ehempel cu cosnan asina ta pasa den bida real pa asina por evita e cosnan aki pasa na scol manera na Merca. E ta remarca cu e ta un ‘wake up call’. Na Aruba e no a yega di pasa pero e por pasa asina sr. Pardo a finalisa.



*En conexion di a laga dos pedofiel den libertad prome cu tempo*

## Minister Bikker: ‘Ministerio Publico a cambia maneho sin consulta cu mi’



**ORANJESTAD - Durante un conferencia di prensa yama di forma urgente, minister encarga cu husticia Andin Bikker (POR) a duna di conoce cu e ta indigna cu Ministerio Publico (OM) pa motibo di a haci cambio riba un maneho sin consulta cu ne prome. Pa motibo di esaki, e minister a firma un otro documento cu lo laga un otro persona condena pa actonan di pedophilia bay cas prome cu termina su tempo di castigo.**

Siman pasa tabata tin basta discusion den pueblo pa motibo cu husticia a laga e homber pedofiel Rafael bay prome cu a sinta henter su castigo. Minister Bikker a sali splica e situacion, na unda cu pa motibo di no tin espacio den KIA, mester a haci uzo di articulo 37 di nos codigo penal. E articulo ta duna e espacio pa laga un

persona bay prome cu el a termina su castigo, si e situacion ta pone pa esey. Di e forma aki ta habri luga pa otro hende cu a comete un delito mas recien por bay cera. E ley no ta haci diferencia den ki tipo di crimen e persona a haci. KIA na e momento aki tin falta di espacio, cual ta pone cu e articulo di ley aki ta bin na vigor. Sr. Bikker a indica siman pasa cu mester trece un cambio na e situacion aki door di sea traha un instituto nobo of amplia e edificio actual di KIA.

### Cambio di maneho

Segun e minister, tabata tin un maneho (desde 2014) cu no obstante kico e ley ta bisa, ta uza cierto criterionan pa laga un persona den libertad mas prome of no. Un di e criterionan aki ta si e persona a comete un acto ‘inmoral’, e no ta bin na remarke pa sali mas trempa a base di articulo 37.



Sr. Bikker ta bisa cu den pleno confiansa cu Ministerio Publico a sigui den e liña di e maneho aki, el a bin ta firma tur documento cu e ta ricibi di Ministerio Publico cu conseho positivo pa laga un persona bay. A bin resulta cu ora a bay controla e documentonan despues di loke a sosode cu e homber Rafael, a bin haya cu el a firma un otro documento pa laga otro persona condena pa pedophilia bay mas trempa. A resulta cu desde juli/ augustus e aña aki Ministerio Publico a cambia e maneho sin pone minister na altura. Segun e minister, nan bureau no tin conocimiento di e dossiernan, pues e ta firma a base di conseho di Ministerio Publico.

Indigna cu e situacion, e minister a decreta un traspaso di e poder pa tuma decision den e tipo di casonan

aki pa e Centraal College van Reclaseren kende tin conocimiento di e dossier di un persona y ta custumbra den evaluacion di casonan. Tambe e minister a duna nan un mandato pa sondea e posibilidad den retracta e decision di e dos personanan aki, pa asina haci cu toch nan ta sinta nan castigo completo.

Procurador General interino Frans van Deutekom kende tambe tabata presente na e conferencia a splica cu nan a cambia e maneho aki pa motibo cu e tabata empugna di loke ley ta bisa. E ley na niun forma ta haci distincion den e tipo di delito pues no por basa un maneho a base di esey. Pa e motibo aki a haci e cambio den maneho. Sr. van Deutekom no a splica e motibo dicon no a informa minister di e cambio.

## Gobierno a ricibi conseho riba ley pa restauracion economico

**ORANJESTAD - Sociaal Economische Raad (SER) a entrega gobierno conseho riba un ley pa restauracion economico di pais Aruba. Esaki a wordo haci siman pasa door di sr. Bijlhout.**

Segun un comunicado di gobierno, e intencion di e ley aki ta pa por reduci

of elimina e red tape cu ta stroba e participacion economico na nos pais. “Den su investigacion, SER a identifica algun di e leynan existente cu ta stroba e proceso y desaroyo economico na nos pais.”

For di un encuesta cu SER a haci bao comercio a duna como resultado cu

e ley di ‘vestigingsvergunning bedrijven’ y e ley di ‘vergunningverordening’ ta e leynan cu ta wordo considera como un problema cu ta ocasiona red tape, e comunicado ta bisa. “SER den su conseho ta urgi Gobierno di Aruba pa atende e dos leynan aki cu prioridad. Ademá SER a duna como conseho, pa Gobierno enfoca riba un

‘cultura di excelencia’ den cual ta haci uso di funcionario apropia, ta digitalisa procesonan, ta enfoca riba durabilidad y ta responsabilisa stakeholders.”

Dentro di 3 siman e rapportnan lo ta disponibel pa publico riba e website di SER na [www.ser.aw](http://www.ser.aw), segun e comunicado.





## Debate riba proposicion pa cambia reglanan pa operacion di casino

**ORANJESTAD – Mundo di casino no ta den splendor mas manera dos decada pasa. Casino ta pasando den su retonan pa mantene e sector importante aki activo y saludabel pa nos turismo y mercado laboral.**

Un situacion mas reciente a presenta cu e trahadonan di Aura casino y aworaki cu Excelsius Casino na Holiday Inn. Mediador di gobierno, Anselmo Pontilius, a laga sa cu esaki ta un asunto cu ya caba a wordo delibera riba dje, pa asina evita cu lo por afecta e trahadonan di e sector aki.

Un biaha mas a bin un proposicion pa minister di labor atende cu e situacion cu ta presenta, y ta sigui presenta den sector di casino. Sr. Pontilius a laga sa cu e mandatario a propone pa habri un debate cu e asociacion di casino, Ahata y tambe cu minister di husticia cu ta encarga cu e parti di permiso pa operacion di casino.

E meta di e proposicion aki ta pa hunto como pais Aruba determina y cambia reglanan. E ta un forma pa preveni cu nos ta keda ripiti condicionnan cu a yega di pasa, y cu ta pasando den e momentonan aki, den cual tin operadonan di casino cu no ta serio cu nan compromisonan. Sinembargo nan ta haya e oportunidad di opera e casino cu e consecuencianan cu esaki ta trece cu ne pa e trahadonan y tambe pa pais Aruba.



### Puntonan basico

Un punto basico lo ta pa esun cu tin e licencia y cu ta esun cu ta huur e casino, mester percura cu e huurdo tin seriedad, pero fondonan tambe. Igualmente esun cu ta huur e casino, y cu tin e permiso ta vigila pa e operado of huurdo ta cumpli cu e ley di casino stipula. “Esey mester ta posibel pa preveni loke ta bin

pasando,” segun mediador di gobierno.

Actualmente tin 13 casino den operacion na Aruba di cual alrededor di 6 di nan tin un operado cu no ta e operado di e hotel. Ta evidente cu cada biaha e problemanan ta surgi di nobo, generalmente caminda tin un operado cu no ta esun cu ta opera e hotel. Consecuentemente mediador di gobierno ta haya riba e

tereno aki mester bin cambio urgente, debi na e cantidad di problema cu ta surgi.

Djis pa menciona un di nan caminda operado ultimo di ex Aura casino, a opera e casino aki sin cu nan por tin un cuenta bancario pa motibo di condicion cu Banco Central ta exige debidamente pa evita transaccion dudoso. Pero cu e operadonan ta considera un obstaculo pa nan operacionnan. Nan ta puntonan cu mester wordo atendi, ya cu ta dificil awendia cu un empresa cu tanto responsabilidad financiero pa e trahadonan y e clientenan, tin cu opera sin un cuenta bancario.

### Reunion

E reunion aki a tuma luga recientemente cu minister di labor, Glenbert Croes hunto cu e dirigentenan di sindicato FTA y director di departamento di labor pa trata na prome luga e caso di Excelsius Casino. A pesar cu a wordo duna garantia cu e trahadonan no lo bay cas despues cu e contract cu e operador lo termina proximamente. Pero nos autoridadnan laboral lo sigui monitor di cerca e situacion aki.

Sr. Pontilius a bisa cu nan a informa minister di labor cu alomenos e palabracion ta cu esunnan cu tin e licencia ta den combersacion cu esunnan cu ta huur e casino. Si nan no yega na niun acuerdo, nan mes lo tuma e operacion. “Pues e noticia cu a circula cu lo cera e casino, esey no lo bay ta e caso”, e di.

Mirando e panorama aki den corto plaso tin un poco di tranquilidad laboral den e casino aki. FTA ta pendiente pa firma un acuerdo of protocol cu e dunado di trabou existente. Y si no ta asina mester determina ken lo bira e proximo dunado di trabou.

Den e combersacion cu mediador di gobierno y FTA a sostene cu e minister di labor, nan a probecha pa trata e puntonan cu ya den varios ocasion nan a recomenda. Entre nan gobierno mester haci un inventario di e leynan y reglamentonan tocante operacion di casino. Ya cu ta presenta dos situacion: E prome ta esunnan di e casinonan cu ta forma parti di e operacion diario di e hotel. Kiermen e hotel mes ta responsabel pa e operacion di e casino. E otro situacion tin di haber cu otro operador ta huur e casino pa nan operacion.

Tambe den nan recomendacion a wordo señala cu cada cierto tempo ta surgi problema cu e operadonan pa diferente motibo entre otro, no cumpliendo cu ley y tampoco cu nan compromiso fiscal y laboral di pago di impuesto y primanan, etc.. Segun mediador di gobierno, tin un record na Aruba di companianan operado di casino cu a bay bancarota. E echo aki tin consecuencia pa e trahadonan y tambe pa pais Aruba cu ta keda sin ricibi cantidad di fondo na belastig, manera tabata e caso di Aura casino.

## ‘Enrikece bo mes cu conocimiento pa niun hende kita for di bo’

**ORANJESTAD – Skirbi y lesa ta importante asina meneer Marlon Vrolijk ta splica Bon Dia Aruba den un entrevista. E mes ta siña su studiantenan esey.**

Sr. Vrolijk a tene un curso di con paikir buki historico. El a splica tocante gramatica y palabranan cu por uza pa haci un storia fuerte, cual palabra tin cu evita y con ta haci research di locual nan ta bay presenta ta cuadra. El a sigui bisa cu e lesado ta determina e exito di e storia y pa mesun motibo e mester ta confiabel, aceptabel y verificabel.

Un di e motibo cu sr. Vrolijk ta bisa cu ta importante



paikir un buki historico ta paso ‘nos tur no a bin pa keda pa semper riba e mundo aki’. E ta bisa e ta un manera pa traspasa na e generacion nobo.


Segun sr. Vrolijk cada pais y hende mester por conoce nan historia y nan cultura pa asina tin oportunidad di pasa esaki over. “Mester studia e pasado

pa por compronde e presente pa asina tin un direccion clara pa futuro.”

Sinembargo sr. Vrolijk ta splica cu awendia mayoria di locual pasa den nos comunidad tin un historia un caminda. Ora di haci un investigacion paikir tocante un buki historico, sr. Vrolijk ta bisa cu ta topa cosnan cu nunca antes no a yega di sa di nan. Anto pa motibo di esaki e persona ta siña tambe. “No bin pa djis paikir un storia, esaki mester tin un balor pa escritor y pa tur e lesadonan.”

E ta continua splica cuikir ta yuda bo pa relaha tambe y pa otronan e ta un alivio. Nan

ta kita tur locual nan tabata carga pa hopi aña riba nan lomba. “Unabes bo enrikece bo mes cu conocimiento niun hende no por kit’e for di bo. Anto si esaki taikir den un storia por pas’e pa otro cu tambe por uz’e como material”, e di.





**Editor**

Caribbean Speed Printers N.V.  
Aruba Bank N.V. Acc. #332668  
Caribbean Mercantile Bank N.V.  
Acc. #23951903  
RBC Royal Bank Acc. #1330772

**Ass. Dir. Ehecutivo**

Xiomara Arends

**Redaccion Ehecutivo**

Cristian Soto Garcia (hefe di redaccion)  
Nicola Gonzalez (redactor ehecutivo)  
Esther Kiks-Martinus (redactor ehecutivo)

**Redaccion**

Benjamin Romero  
Leo Maduro  
Kenna Hernandez

**Departamento Digital**

Sharina Henriquez

**Ehecutivo di Benta**

Marijke Croes-Luidens  
Linda Reijnders

**Aviso y Arte**

Sandra Loefstop  
Lisa Tromp  
Shannon Geerman

**Administracion**

Mariette Engelhart  
Martha Arteta de Ariza

**Distribucion**

Jenny Kelly

**Recepcionista**

Rachelle Danje

**Coleccion**

Evelinda de Cuba - Tromp

**Pre Press**

Luis Fernando Arenas (Hefe)  
Pablo Libre

**Press**

Roland Schenker (Hefe)  
Omar Ramirez  
Martin Boekhoudt  
Francis Dirksz

**Colaboracion**

Yakari Gabriel  
Associated Press  
Ret Karibense  
Upload Media Aruba

**Afiliacion**

Sociedad Interamerica  
di Prensa (SIP)

**DIRECCION**

Adres: Weststraat #22  
Tel: 582-7800 / Fax: 582-7044  
Email: noticia@bondia.com  
aviso@bondia.com  
Website: www.bondia.com  
Facebook: @bondianoticia

**BON DIA ARUBA** ta un corant  
redacta y imprimi na Aruba y ta  
obenibel di dialuna te cu diasabra.  
Ningun contenido por wordo reproduci  
sin permiso di editor.



# Editorial

*Tumando na cuenta nos tamaño...*

## Cuanto consulta Tri Partite mester?

Cu cierto asombro nos redaccion a tuma nota di e comunicado di prensa, cu material fotografico corespondiente, di e presentacion di un comision 'tri partite' di consulta riba asuntonan laboral. Segun anuncio di e ministro encarga cu labor, e comision aki lo bay atende varios asunto relaciona cu labor, manera entre otro, aumento di salario minimo, mehoracion di salud na trabao, y tambe introduccion di e ley di ARBO (Arbeidsomstandigheden; ley riba condicion di trabao). Tambe e ministro a declara cu e kier "logra tur esaki unda cu tur gremio y accionista por 'carga y ehecuta' esaki. E idea no ta pa duna un man aki banda y corta un pia afo aya banda. Esaki no ta mi manera di kier logra metanan grandi riba tereno laboral."

Te aki e splicacion ta parece perfecto... E ministro ta muestra dinamico y diligente den gara varios topico pendiente na nan cacho y yega na solucion carga pa e tres partnernan social. So far, so good? Wel, no. E pregunta cu no a haci, y por lo tanto tampoco a haya contesta, ta con e forma di consulta aki di un solo ministerio ta relaciona cu e forman ya institui di consulta tri partite. Pa cuminsa nos tin ey e posicion di e Consejo Socio-Economico (Sociaal Economische Raad; SER) cu ta institui pa ley y hasta tin cierto topico cu gobierno, prome cu actua, pa ley tambe ta obliga na scucha opinion di SER. Manera den e caso di adaptacion di salario minimo, unda e ley di salario minimo ta duna minuciosamente e procedemento cu mester sigui den e forma di pidi opinion di SER. Anto esey ta net un di e puntanan unda e ministro concierne ta desea di laga e comision tri partite special aki ilumina cu nan conocimiento... Pregunta: Kico ta bay sucede proximamente? E comision aki ta haci su trabao segun e ministro ta desea, ta bin cu un opinion, y despues, manera ley ta prescribi, e ministro ta manda e asunto pa e consulta tri partite legal, esta SER, pa un biaha mas e mesun tres partnernan, sindicato, gremionan empresarial y gobierno duna nan opinion?

Loke ta imposibel ta cu ta ignora e fase di consulta SER pasobra manera bisa anteriormente, e consulta aki ta obligatorio pa ley. Es decir, si cumpli cu ley, y nos no ta spera menos di e gobierno aki, anto esey realmente ta haci e consulta 'por la libre' aki di e ministro encarga cu labor innecesario y excesivo, y ademas ta confundi henter comunidad. Mesun cos ta pasa tambe cu

e tema di e ley di ARBO. Esaki por parece algo cu si e comision ministerial por maneha, pero ta resulta cu esey tampoco ta asina, pasobra kico a pasa algun aña atras? SER na 2014 a duna su consejo caba riba e posibel introduccion di un ley di e caracter aki. Mester bisa si cu te awe tabatin solamente un propuesta di un ley asina, esta di parti di SVb, cu nunca a haya un follow up. Otro intentonan, entre otro na 2013 pa e ministro encarga cu labor di e tempo ey, no a logra yega na un proyecto di ley concreto. Awor, si e ministro ta desea di haya opinion riba analisis o un proyecto di ley concreto, no lo ta logico cu e ta pone e peticion cerca SER, y no cerca su propio consulta tri partite? Simplemente e hecho cu un ley di ARBO tin consecuencia bastante grandi pa henter sector priva ta haci cu na final di dia e ta un asunto pa SER atende, y cu ya cuatro aña pasa SER a cuminsa atende. Ta dificil pa bin argumenta awor cu SER no tabata haciendo su trabao. Pues a introduci un fase extra y obsoleto prome cu e cuminsa, via e comision nobo aki, cu ta muestra algo mal pensa.

Ademas, mester tuma na cuenta cu den e pais chikito aki nos mester ta cuidadoso cu uzo di recurso di escasez grandi. Esey tambe ta conta pa e recursonan humano di e diferente partnernan, tumando na cuenta cu mayoria di e sindicato y gremionan empresarial no ta conoci como organizacion fuerte, cu amplio apoyo di staff profesional pa studia y analisa e temanan, hopi biaha complica, cu ta bin riba mesa.

Den e sentido aki ta surgi anto otro pregunta: Kico e sindicato y gremionan aki tabata pensa ora nan a haya e invitacion pa join e comision aki? Nan mes tabata e prome yamanan pa haci e mesun pregunta y interrogante cu e editorial aki ta haciendo. Ta asina hopi miedo tin, o en todo caso asina complaciente tur hende ta cu na un momento di haya un invitacion asina tur hende a lubida cu nan mester sigui uza nan tino y analisa den ki contexto e comision nobo aki lo mester bay funciona y ki problema ta bay surgi cu e infraestructura ya existente pa consulta tri partite?

Ademas di tur esaki, nos no por mira ningun caminda den e tratado y recomendacionnan di ILO cu ta trata cierto asunto como algo propio di e entidad encarga cu labor. Unda e otro ministerionan a keda?



## Costa Rica: Protesta contra migrantenan Nicaragueño

(France24/Reuters) – Den cayanan di San Jose, capital di Costa Rica, centenares di ciudadano a protesta contra e entrada di migrante di Nicaragua cu ta huy pa e crisis cu nan pais ta enfrentando.

Cu ofensa y disturbionan cu a ser rechasa pa comunidad internacional, centenares di Costaricense a protesta contra e entrada di e Nicaragueñonan cu ta busca refugio na e pais aki, despues di intenta huy di e crisis cu ta afecta e nacion goberna pa presidente Daniel Ortega.

Loke a inicia como un manifestacion pacifico a termina cu hecho violento den cual



autoridadnan a detene no menos di 20 persona.

Luis Mauricio Vargas, un di e manifestantenan, a splica loke nan ta busca cu e acto aki ta cu e autoridadnan di migracion di Costa Rica tin cu reduci loke nan ta yama un

invasion di parti di e refugiadonan di e pais bisña.

Algun di e participantenan di e marcha a señala cu un di e foco di mayor concentracion di ciudadano di Nicaragua na San Jose ta e popular parke La Merced, unda e Nicaragueñonan ta yega pa descansa,

despues di no a haya un lugar shelter.

“Hopi di nos ta aki honradamente pa gana nos mantenicion. Aki na Costa Rica, tin hopi droga, corrupcion, robo y asalto, no di e ‘Nica’ so, tambe tin ‘Tico’ y si cu nos kier ofende nos, no mester bisa cu nos tur ta malo”, un muhe Nicaragueño bisa di e protesta.

E hecho cu posiblemente a origina e rechazo masal di parti di e habitantenan di San Jose ta e resultado di un investigacion realisa pa e Organismo di Investigacion Hudicial di Costa Rica, cu ta indica cu un Nicaragueño ta e responsabel di e asesinato

di un turista Spaño na Tortuguero.

Den teritorio di Costa Rica ta biba cerca di 4,9 milyon habitante, di cual un promedio di 8% ta migrante y di e porcentahe ey e mayoria ta di nacionalidad Nicaragueño.

Den ultimo siman autoridadnan di Costa Rica a reporta un aumento di solicitud di refugio presenta pa Nicaragueño, motiva pa e crisis socio politico na e pais ey.

E protesta na Costa Rica a coincidi cu e cumplimento di e di cuatro luna di manifestacion na Nicaragua, unda centenares di ciudadano ta enfrenta e forsanan gubernamental desde 18 di april.

## America Latino: Tension regional ta aumenta pa indice halto di migracion Venezolano

Dialuna 20 Augustus 2018 (La Patilla/AP) – No menos di 1.200 Venezolano a bandona Brasil den ultimo oranan, despues di e acto violento cu a ser registra diasabra pasa contra e refugio di ciudadano di e pais ey, na e localidad fronteriso di Paracaima, fuentenan di Ehército di Brasil a confirma.

Habitantenan di Paracaima, na estado Roraima, a protesta diasabra pasa pa e presencia di inmigrante Venezolano na e ciudad, nan a expulsa nan di e refugio cu nan a improvisa ora nan tabata drumi y a kima nan obhetonan personal.

Paracaima, cu un poblacion di 12.000 persona, a keda converti den e porta di entrada principal pa e Venezo-

lanonan cu ta huy di e crisis politico, economico y social cu ta atravesanan pais y cu ta dicidi pa bay Brasil pa haci nan bida na e pais ey.

Fuentenan di Operacion Acogida, cu ta atende e inmigrantenan di Venezuela cu ta yega Brasil, a confirma cu te na e momento aki 1.200 Venezolano a dicidi di bolbe pa nan pais pa via di seguridad.

E protesta violento a surgi pa motibo di e agresion contra un comerciante local na man di un grupo di supuesto Venezolano, cu a trata di asalt’e ora e tabata na su cas cu su famia, di acuerdo cu gobierno di Roraima.

Presidente Brasileño Michel Temera reuni ayera diadomingo cu varios di su minis-



tronan, entre nan di defensa, general Joaquin Silva e Luna y di seguridad, Raul Jungman, pa trata e asunto aki.

E ministerio di Seguridad a informa tambe cu ayera lo ta bay manda efectivo extra di Forsa Nacional pa Paracaima, anticipando cu esaki lo yega awe dialuna, sin duna mas detaye.

No obstante, e gobierno di

Roraima a denuncia varios biaha e falta di recurso federal y e saturacion di servicio publico, y p’esey a solicita pa cera frontera temporalmente, un medida cu husticia y ehecutivo a rechasa.

Di otro banda, desde 16 di augustus gobierno di Lenin Moreno a cera e portanan pa ciudadano Venezolano cu no tin paspoort y ta trata di drenta

Ecuador. Den un documento di Cancieria a informa cu no lo ta bay rekeri paspoort pa mucha menor di edad y adolescente, semper y cuando nan ta drenta acompaña di nan mayornan, ken mester tin nan paspoort valido y vigente pa demostra e vinculo, o tambe por ta acompaña di un tutor cu mester cumpli cu e mesun rekisitonan y mester tin e documentacion di tutoria.

Ademas, e crisis economico di Venezuela a obliga e Venezolano pa emigra cu bus, auto, motorcycle, bicicleta o canando na pia. Como consecuencia, centenares di persona tabata na caminda ora e anuncio a sali y varios di nan a keda na frontera entre Colombia y Ecuador.

## Venezuela: Reconversion monetario nobo despues di dies aña por caba den caos

(La Patilla/EFE) – Pa disposicion di gobierno Venezolano encunto e moneda di e pais, e bolivar, lo bay kita cero, un medida complejo cu ta drenta na vigor awe hunto cu un multitud di ahustacion economico, cu a ser decreta pa gobierno y cu a hiba e ciudadanonan na haci compra den un estado di angustia.

E simplificacion monetario, aunke ta necesario den bista di tur hende, a aumenta e temor di e ciudadanonan y economista y hendenan di oposicion ta alerta e posibel

consecuencia di un escenario di hiperinflacion.

E moneda local lo ta bay yama ‘Soberano’ desde awe, ora cu cuminsa circula e famia nobo di biyete cu denominacion mas ahusta na e inflacion di e pais petrolero, cu segun calculonan di Fondo Monetario Internacional, lo ta bay cera aña cu 1.000.000 %.

E factor aki no ta haci factibel e reconversion segun huicio di e parlamento cu mayoria opositor, cu a pidi presidente Nicolas Maduro y Banco Central (BCV) pa para e medida te cu por tuma otro ahuste economico, pa solu-

ciona e deficit fiscal y detene e subida di prijs.

E debutantenan di Comision di Financia di Asamblea ta calcula cu den tres luna e denominacion monetario nobo no lo ta suficiente pa cubri e costo di producto y servicio cu, di acuerdo cu e Camara, ta duplica cada 26 dia.

Aunke e Venezolano a enfrenta cu exito un reconversion cu a kita 3 cero di e Bolivar na aña 2008, e característica di e proceso nobo y su pronostico ta diferente.

E hecho aki a alimenta e hipotesis di e posibel aumento di e costo di producto y servi-

cio cu ta subsidia pa estado manera gasolin, un sospecha cu Maduro a stimula e siman aki cu e intencion di limita e subsidio y lo bay cuminsa cu benta na prijs internacional.

Ademas, diabierna pasa Maduro a anuncia otro medida den cual ta destaca e aumento di salario minimo pa e trahado na 35 biaha, loke ta e ekivalente pa 723 of 45 dollar, segun e tasa di cambio oficial di referencia na e pais.

Segun el a bisa, e denominacion nobo di e Bolivar lo ta bay ta hancra na e Petro, e criptomoneda di gobierno, cu tin un balor di 60 dollar of

mas y cada un ta ekivalente na 3.600 bolivar soberano of 360 milyon bolivar actual, loke ta produci un cambio di 6.000.000 milyon bolivar pa un dollar, un reconocimiento posterior di e hiperinflacion.


Si bien tin otro anuncio manera e despenalisacion di cambio ilicito den un pais cu ta goberna pa control di divisa desde 15 aña pasa, y e aplicacion di dos unidad contabel pa divisa, e ciudadano awendia ta mas preocupa pa e shutdown electronico cu lo ta bay cuminsa awe nochi.



## Bahamas: Virus agresivo a afecta centenares di turista na Sandals Royal Bahamian resort

(CaribbeanNewsNow) – Un virus di stoma y tripa fuerte a plama manera candela a traves di e resort di Sandals na Nassau, Bahamas, afectando tanto huesped como personal cu sintoma manera sacramento severo, dolor abdominal y diarea, den loke ta considera e contaminacion viral mas grave na Bahamas, tanto riba barco crucero como den un facilidad turistico, den su historia.

Di acuerdo cu ministerio di salud como 100 huesped y bishitante a ser admiti den hospital, cu sintoma di nausea, sacramento y diarea. Ministerio di salud y e departamento di Salud Ambiental a acudi na e propiedad den un



intento di determina e causa exacto di e enfermedad y con pa contene e propagacion entre otro huesped y personal. Trip Advisor, e website di evaluacion y contratacion di hotel, a haci mencion di e situacion a traves di su portal di opinion di bishitante den e ultimo dianan.

Papiando cu Caribbean News Now, presidente Donnell Ferguson di Bahamas Hotel Maintenance and Allied Workers Union (BHMAWU), a bisa cu su miembran na Sandals Royal Bahamian a ser poni na riesgo pa e management, algo cu por a bira hopi peligroso y hasta menasante pa bida, y por a

keda mitiga pa e sindicato si e gerencia tabata mas diligente y vigilante den reporta señalnan di alerta, a traves di canalnan di comunicacion apropiada. BHMAWU a bisa cu nan ta trahando overtime pa asisti staf y bishitante por igual durante e crisis. E relacion entre Sandals y BHMAWU tabata problematico pa basta tempo, incluyendo reclamo di trata di kibra sindicato di parti di Sandals, cu aresto y denuncia di crimen, durante ocho aña di disputa legal, te na Corte Superior, culminando den reconocimiento di e sindicato como representante legal di empleado di Sandals pa negocia contrato colectivo. Ferguson a conta Caribbean News Now cu e sindicato a entrega un copia di su

proposicion pa un acuerdo colectivo na West Bay Management Limited (WBML), e compania bao di cual Sandals Royal Bahamian ta opera na Bahamas. Sinembargo, e abogado nan di e compania a bolbe cu e cambionan cu nan ta propone den e propuesta di e sindicato, cambionan cu e sindicato ta considera inaceptabel y cu no ta cumpli cu loke ley, y varios veredicto di corte, ta rekeri.

Mientras cu e acuerdo colectivo ainda ta den proceso, pa Ferguson na e momento aki ta primordial garantiza cu tur empleado ta bon segura pa loke ta salud y accidente, ademá di percura cu tur hende, personal y bishitante, ta haya apoyo completo di su sindicato y su miembran.

## CUBA: Unico sobreviviente di accidente aereo ta bay otro hospital pa rehabilitacion

(CiberCuba) - Mailen Diaz Almaguer, unico sobreviviente di e accidente aereo di 18 di mei na Habana, a sali di hospital Calixto Garcia, unda el a pasa mas di 70 dia, hopi di nan den estado critico. E hoben di 19 aña a keda paralisa debi na lesion na su columna vertebral y cu un pia robes amputa na rudia, asina e diario Cubano Juventud Rebelde a informa.

Awor el a cuminsa cu un fase di stabilisacion y rehabilitacion na hospital Hermanos Ameijeiras, tambe na e capital



Cubano. Mailen a sufri lesion na su columna vertebral, na su brasa y pianan y na su pelvis, como tambe kemadura cu a exigi frecuente tratamiento y drenaje. E tabatin mester di varios intervencion di cirugia y su mehoracion a conoce varios riesgo pa complicacion adicional cu a presenta. Sinembargo e tabata capaz di comunica cu e ekipo medico.



Aunke e no por a papia, e tabata comunica cu su wowonan, tabata muestra pena o alegria. Despues e tabata articula palabra sin pronuncia nan y esunnan atendiendo tabata lesa su lipnan. Despues psicologonan a haya sa cu e tabata desorienta pa loke ta aspecto temporal y espacial, cu un reaccion riba e

trauma yama 'memoria fragmenta': e tabata bisa cu el a pasa den un accidente di trafico y tabata nenga cu tabata un accidente aereo. No por a bis'e mesora di e decision di amputa su pia, pa su estado di depresion na e momento ey. Despues di e operacion, tabata pone un screen na mita di su curpa y tabata pone un paña di cama lora unda antes tabata su pia. Segun doctor Ifran Martinez Galvez, especialista di Angiologia, a conta, nan tabata pensa cu na momento di cont'e kico a pasa, e lo a collapse, ya cu ta 19 aña apenas e tin. "Mayoría di hende ta keda

deprimi den e circunstancianan ey; sinembargo, e no a derumba", el a añadi. Dos siman prome cu a traslada Maylen pa hospital Hermanos Ameijeiras, el a haya un recaída respiratorio y cardiocirculatorio debi na e lesion na nivel cervical. E medico, tambe subdirector di Calixto Garcia, lo a prefera cu e recuperacion total lo a tuma luga na e mesun centro medico, unda nan a salba su bida, pero ta comprende cu nan a cumpli cu nan mision caba. "Lo mas importante ta e satisfaccion di a aporta nos parti na su recuperacion", el a conclui.

## Mexico: Morto misterioso di cantidad grandi di turtuga na costa di Chiapas

(Infobae) – Mientras recientemente na Tabasco cantidad di manatin (Hulandes: zeekoe) ta muriendo sin cu ningun hende sa pakico, awor na Chiapas ta aparece cantidad grandi di turtuga morto, sin cu tin un splicacion pa e fenomeno aki. Desde 24 di juni a aparece na costa di Tonala, Chiapas, por lo menos 115 turtuga morto di e especienan golfina, laud, prieta y carey, tur den peligro di extension.

E cantidad aki, di acuerdo cu autoridadnan ambiental, ta



cinco biaha mas halto cu e cifra di turtuga morto haya den otro periodo, cu no tabata pasa di 20. En bista di e situacion aki, e secretaria di Medio

Ambiente y Recurso Natural a convoca un reunion di emergencia cu e Comision Nacional di Arianan Natural Protegi y Procuraduria Federal di Proteccion di Ambiente, pa analisa e echanan y procede cu un plan di rescate.

E animalnan cu tabatin entre 80 y 100 aña, segun e specialistanan, a aparece na costa di Puerto Arista, un zona conoci como santuario di reproduccion. Durante e epoca aki, e hembranen ta yega na e luga pa pone webo, pero entre e turtuganan morto tambe tabatin macho, loke ta inusual

pasobra nan no ta yega cerca di costa den e temporada aki.

Un di e prome hipotesisnan encuanto e morto misterioso di e turtuganan na costa sur di Pacifico Mexicano ta atribui esaki na e posibel efecto nocivo di un bacteria proveniente di e alganan cu ta abundante den e temporada aki.

Otro ta e impacto di pesca. Den 15 di e turtuganan morto specialistanan a haya pida di hanzue y di taray pega na nan curpa. P'esey autoridadnan lo recurri na e piscadonan di e zona pa investiga y pidi

nan colaboracion. Esaki ta loke autoridadnan sa te na e momento aki. Nan ta investigando cu un turtuga bibo cu hende a gara pa mata y bende su capa, aunke ta dificil saca conclusion a base di un solo caso.

E turtuga, manera otro especie na Mexico, ta sufri di e contaminacion di su habitat, di pesca y di robo di nan webonan pa bende esaki di manera ilegal, of uza nan cuero y capa pa traha acesorio manera bril di solo.



## No tin placa pa paga comision Ys



**WILLEMSTAD** – Recientemente **Gerrit Schotte a bisa cu gobierno ta debe e Comision Etienne Ys y ta buscando 240,000 mil florin pa por paga nan mes. Comision Etienne Ys ta e comision cu a wordo funda pa busca un partner pa Inselair.** E lider di e fraccion MFK ta bisa cu gobierno no por

a paga nan for di niun post di ministerionan y cu pa e motibo ey mes awor minister di economia Steven Martina y prome minister Eugene Rhuggenaath a dicidi pa obliga CTB paga e suma aki. E ta sigui splica cu CTB mes ta financiando turismo cu lening y overbrugging na banconan. Esaki ta segun e fuente Vigilante.

E fuente ta splica cu segun Gerrit Schotte no tin cen pa nada, pero e ta sigur cu pa cierto comisionnan di e gobierno actual ta bolter santana mes y saca cen pa paga nan hendenan. E ta bisa cu esaki lo sosode sigur paso ta manera nan a bisa niun 'monkey' no ta para nan show.

## Podcast: Ki impacto supconsehamento tin riba futuro?



**AMSTERDAM-** Aña di scol nobo ta bay cuminsa, pero Gabriella di diesdos aña di Amsterdam no a inscribi niun caminda ainda. E lo prefera di bay un vmbo kader-school manera su Citoscore ta recomenda, pero esey no por.

For di 2015 na Hulanda ta e recomendacion di scol basico ta conta pa alumnonan di grupo 8. I pa Gabriella esey ke men VMO basico cu Leerwegondersteuning (LWOO). Segun Varida Omzigt, mama di Gabriella, ta trata aki di supconsehamento. Ye no ta e unico cu ta haya cu esaki ta molesti'e.

Mas cu shen relato Un apelacion di Ret Karibense riba medionan di comunicacion social tocante supconsehamento a trece mas cu shen relato negativo for di e comunidad Caribense na Hulanda. Manera: "Mi yiu muhe a haya conseho pa havo, mientras cu te grupo 7 e tabatin conseho pa havo/vwo. El a traha su Cito na nivel di gimnasio pero e docente a nenga di cambia esaki."

Leroy Lucas y Varida Omzicht ta comparti nan relato. Varida ke haci tur cos pa ahusta e conseho pa scol di su yiu muhe y pa pone riba vmbo-kader. Pa Leroy e ahuste entretanto ta 'mucho laat'. Na su edad di cuarenta aña e ta mira bek riba un desvio dificil pa bay hbo pa motibo di supconsehamento. E organisacion di consumo

di enseñansa (OCO, Onderwijs Consumenten Organisatie) na Amsterdam ta mira cu e aña aki tambe hopi mayor cu ta preocupa pa e cambio di enseñansa basico pa enseñansa secundario pa nan yiu. Entre januari y juni a drenta 300 pregunta cerca e organisacion. "Di e preguntanan 67 tabata trata di e conseho di scol. Y no pa conta con satisfecho nan tabata", e investigado y coordinado di conocimiento Kaja Sariwati ta conta. Etnisidad

Segun activista di e movimiento Wit Aan Zet 'profilacion etnico ta hunga un papel grandi den e supconsehamento di alumno'. No tin cifra pa soporta esaki. "Esaki lo a cumbini si pasobra e ora ey nos lo por a duna mas claridad, pero simplemente no tin", segun OCO.

Educacion di e mayornan Un rapport di investigacion di Inspeccion di Enseñansa (E Estado di Enseñansa 2016-2017) ta muestra bo si cu e educacion di e mayornan por tin influencia riba e conehonan pa scol di nan yiu. Alumno cu mayor cu tiki educacion hopi biaha ta haya conseho pa scol mas abou compara cu alumno cu ta presta mescos y cu tin mayor cu educacion halto. Ademas tin menos adaptacion di e conehonan pa scol di alumno cu mayor cu menos educacion.



**Relojes  
Pulseras  
Cadenas  
Dijes**

Nos ta graba tur sorto di articulo di metal yama of bishita nos

**Tanki**  
Leendert 178-A  
Tel: 587 3940  
Fax: 587 2478  
Cell 592 9055  
email: adalbertovilla@live.com

**"COMPRA Y VENTA"**

***Bachue***  
Joyeros

**Compramos  
Vendemos  
Arreglamos todo tipo de Joyas  
Contamos con un Buen Surtido de  
Pulseras y Baterias para Relojes**

**Habri di Dialuna pa Diasabra  
9:00am pa 1:00pm y di 2:00pm - 6:00pm**

**BACHUE**

**JOYERIA  
COMPRA Y VENTA**

**Abo!**

**No tin tempo  
pa Laba y Seca bo  
Pañanan!**

Pasa y Laganan na:

**AQUA**  
LAUNDRY

**Habri di Dialuna pa Diasabra  
7:30am non stop 7:30pm  
Diadomingo de 9:00am - 1:00pm**

**Tel: 587 0772**

**AQUA  
LAUNDRY**





## Cumpradonan di Cas di Corsou ta perde caso contra gobierno

**WILLEMSTAD-** E gobi-  
erno di Corsou a gana e  
caso contra e dos cumpra-  
donan di Amsterdam real  
estate Wiegla Beheer y  
Forreal Investments.

Corte superior a dicta cu Cas  
di Corsou tabatin rason di  
anula e boet di e edificionan  
di Cas di Corsou y tambe a  
anula e boet cu a yega casi 6.5  
milon florin cu a trata na co-  
bra Cas di Corsou. E deal aki  
a keda realisa tempo cu Mar-  
velyne Wiels tabata minister  
plenipotenciario.

Aña pasa gobierno di Corsou,  
pa medio di minister pleni-  
potenciario Begina a anula e  
benta di e edificionan cu ta e  
oficina na Badhuisweg 173 y  
175, y e cas unda e minister

plenipotenciario ta biba cu  
ta na Wagenaarsweg 3. Awe  
corte a dicta cu Cas di Cor-  
sou ta keda cu su edificionan.  
Na 2014 tempo di gabinete  
Asjes a dicidi na bende e edi-  
ficionan pasobra mantencion  
lo Costa demasiado, pero  
no a consulta cu parlamento  
manera ley ta stipula. Pero  
como cu ya caba sra. Wiels  
a pasa palabra cu e cumpra-  
donan, na 2015, esakinan a  
menasa di bay corte pa existi  
cu e benta ta sigui.

Taxatie di e edificionan ta  
mustra cu ta trata di un ba-  
lor di 4.7 milon euro pero e  
deal cu sra. Wiels a cera cu e  
cumpradonan ta di 2.7 milon  
euro, pues 2 milon euro me-  
nos.

E cumpradonan a laga im-



pone un boet di 9 mil euro pa  
dia, pa cada dia cu e benta no  
sigui. E boet ey a alcanza un  
suma di 6.5 milon florin en-  
tretanto, pero den e decision  
di corte a bari e boet tambe

for di mesa. Esaki ta segun e  
fuente Extra.

Den debate cu a tuma luga  
den parlamento riba e tema  
aki, na september 2017, di

forma unanime a bay di acu-  
erdo pa no sigui cu e deal quo  
sra. Wiels a haci. Parlamen-  
tario Cooper e tempo ey a pa-  
pia di un "rip off" cu a tuma  
luga.

## Funcionario di tribunal supremo di presidente Maduro na Hulanda



**DEN HAAG –** Hulanda a laga un  
alto funcionario di e tribunal su-  
premo di e presidente Venezola-  
no Nicolas Maduro drenta e pais,  
mientras Union Europeo emiti  
un prohibicion pa nan drenta.

E presidente Maikel Moreno di e tri-  
bunal supremo di Venezuela no ta-  
bata den caminda ora cu el a atende e  
celebracion di e 20 aña di e statuut di  
Rome na e Corte Penal Internacional  
situa na Den Haag luna pasa.

Moreno ta riba e lista di e 18 perso-  
nanan confidente di Maduro contra  
ken nan a pone un sancion den un  
contexto di UE. E Corte Penal In-  
ternacional a solicita na e gobierno  
Hulandes pa asina permiti Moreno  
pa asina drenta e pais. Como pais di



acogida Hulanda no por a nenga nan,  
minister Stef Blok di Asuntonan di  
Exterior a contesta e preguntanan por  
escrito di e miembro di Tweede Ka-  
mer Sjoerd Sjoerdsma (D66). Sinem-  
bargo nan a duna e homber permiso  
solamente pa atende e actividadnan di  
CPI.

Moreno a probega su asistencia na  
e celebracion pa asina duna contesta  
negativo di e investigacion cu e perse-  
cucion na e corte penal internacional  
cu ta realisando pa torpedia di democ-  
racia y e violacion di derechonan hu-  
mano di Venezuela. El a adverti asina  
mes cu no mester interveni cu locual  
e ta yama asuntonan interno. El a bisa  
cu e democracia, igualdad y e dere-  
chonan humano nan ta garantis den  
e Constitucion Venezolano. Esaki ta  
segun e fuente Koninkrijksrelaties.

Blok a tuma un distancia di Moreno  
den e contesta bisando: "E gobierno  
ta kere cu e democracia, mester wordo  
restaura. E parlamento Venezolano a  
keda poni un banda, e eleccionnan cu  
recien a tuma luga no tabata uno liber  
y husto y e derechonan humano ta  
bou di presion actualmente. E minis-  
terio di Relacionnan Exterior a tuma  
contacto cu e autoridadnan Venezol-  
lano y a declara explicitamente cu nan  
lo mantene e sancionnan."

**Like**  
**us on**   
**Facebook**

[facebook.com/bondianoticia](https://facebook.com/bondianoticia)



# Clasificado Economico

**PERSONAL GRATIS MX 20 PALABRA- TA ACEPTA AVISO FOR DI 9:00 AM -4:00 PM  
PASA LAGA BO AVISO NA OFICINA DI BON DIA ARUBA WESTSTRAAT #22**

<b>TA HUUR</b> Apartamento na Paradera Villa Park Inf. whatsapp 567 4161 <b>Tel. 567 1043 -567 3798</b>	<b>TA HUUR</b> Appt na Seroe Patrishi, 1 camber full muebla exclui awa y coriente 1 luna + deposito pa 1 pareha <b>Tel : 582 6618</b>	<b>SERVICIO PUBLICO</b> Buscando auto pa huur y na bon prijs? yama nos <b>Tel. 593 9953/ 593 8453</b>	<b>SERVICIO PUBLICO</b> Figuera Yard Service Nos ta chapi, corta y planta mata, brinda tur servicio cu bo cura mester. Tira sushi afo, tur esaki na un super bon prijs <b>Tel. 738 1908</b>	<b>TA BENDE</b> SUV Mitsubishi Montero den bon estado Afl.4.000 Pa mas informacion por yama <b>Tel. 597 7815</b>
<b>SERVICIO PUBLICO</b> Gran Feria di Fruta y Verdura na Rococo Plaza diahuebs, diabierna y diasabra 3 or te cu 8 or anochi . Tur siman	<b>SERVICIO PUBLICO</b> Se ofrece enfermera para cuidar a ancianos o discapacitados <b>Tel. 566 3098</b>	<b>SERVICIO PUBLICO</b> Smart Electric Aruba Ta haci tur tipo di trabou di coriente di cas, meter apart, water heater, ac, etc) <b>Tel. 565 6638</b>	<b>TA BENDE</b> nice car Chevrolet Spaark 2012 low km / automatic / no AC awg.7.200 (O.B.O.) <b>Tel. 745 0440</b>	<b>TA BENDE</b> Suzuki Alto 2001 automatic Fls.2500 johnnypaesch@gmail.com yama pa mas info <b>Tel.630 1307</b>
<b>TA BENDE</b> From 15 collectable Porcelain Dolls only 7 left for sale at Santa Martha 12 <b>Tel. 733 2542 -564 4456</b>	<b>TA BENDE</b> Hyundai Getz 2017 den bon condicion standard/ airco Awg.6.500 <b>Tel. 745 0440</b>	<b>SERVICIO PUBLICO</b> Paraíso de Rosa Ta ofrece su servicio pa cuida hende grandi. Nos ta hende specialisa cu pasenshi y servicial <b>Tel. 566 2687 /732 2590</b>	<b>TA BENDE</b> Camaro 2015 Low miles prijs negotiable Interesado yama y manda bo oferta <b>Tel. 594 4731</b>	<b>SERVICIO PUBLICO</b> Barata Barata Nos ta chapi, lanta sushi, spuit veneno, corta mata, na bon prijs Arubiano balente <b>Call 592 5766</b>
<b>TA BENDE</b> Hyundai Getz 2007 bon condition, full maintenance AC/ Standard awg.6.200 (O.B.O.) <b>Tel. 745 0440</b>	<b>TA BENDE</b> un cas na Rasmijnstraat, San Nicolas di 3 camber y 2 baño Afls.350.000 yama <b>Tel. 593 6318</b>	<b>TA HUUR</b> Apartamento grandi 35 m2 na San Miguel 5 minuut for di hotel area pa 1 of 2 persona so Pa mas informacion yama <b>Tel.592 2688</b>	<b>GRATIS</b> Nos ta piki tur sorto di auto bieu, gratis. Tambe airco, bateria, stoof, wasmachin, frigidaire etc <b>Tel. 561 4297 / 561 5179</b>	<b>TA BENDE</b> un Chevrolet Optra 2009 4 porta full overhand Afl.7000 <b>Tel.560 2314</b>
<b>SERVICIO PUBLICO</b> ta drecha tur sorto di Imagen <b>Tel. 584 2489</b>	<b>TA BENDE</b> dos apartamento na Seroe Blanco, incluyendo mueblesnan Afl.270.000 <b>Tel. 593 6318</b>	<b>SERVICIO PUBLICO</b> Master Nails Pa e miho servicio y experiencia den mantencion y atencion pa bo hufanan. Yama pa un cita <b>Tel. 744 9214</b>	<b>SERVICIO PUBLICO</b> Mi ta ofrece servicio di electricista, electricidad en general, problema cu corto circuito y mantencion <b>Tel. 566 5026</b>	<b>SERVICIO PUBLICO</b> Psychic Riley let me help solve your problems in love marriage finance career and family with immediate results Call 001 747271 9899 wyattearp14@sbcglobal.net
<b>TA HUUR</b> Cas na Mauritsstraat # 8 San Nicolas 1 of 2 pers. Per 1 aug. <b>Tel. 592 0061</b>			<b>SERVICIO PUBLICO</b> Handyman si mester ayudo yama awo Mantencion, carpinteria, welder y verf <b>Tel. 630 9246</b>	<b>SERVICIO PUBLICO</b> Ta furra tur sorto di stoel tambe dashboard di auto/porta Trabouw garantiza, hopi variedad di tela <b>Tel. 746 0518</b>
			<b>SERVICIO PUBLICO</b> Masaje relajante, sports masajes, aroma terapia, piedras calientes, reflexologia, faciales Sabana Basora # 157 P.Ch. <b>Tel. 561 8520</b>	<b>SERVICIO PUBLICO</b> recojemos todo tipo de basura (nevera, estufa, etc) <b>Tel. 564 1979</b>
			<b>TA HUUR</b> na Seroe Blanco apt muebla di 2 camber y 2 baño, sala comedor, cushina. Inclui cable, wifi, gas <b>Tel: 746 8058</b>	<b>TA HUUR</b> habitacion Fls.500 Dama o caballero <b>Tel. 594 7458</b>
			<b>SERVICIO PUBLICO</b> ta yuda busca cas pa compra of huur <b>Tel. 563 1449</b>	<b>TA HUUR</b> una habitación pequeña, todo incluido <b>Tel. 564 1979</b>
			<b>TA BENDE</b> Plastic septic tank 1000 gallon 3500 Si ta interesa por yama <b>Tel. 741 7262</b>	<b>TA BENDE</b> Un set di cama cu su nachtkastje towelet pa awg.1500 O.B.O. un set di cama cu lessenaar kashi paña awg.1500 O.B.O. un cama awg.750 O.B.O. Headboard di cama awg.250 <b>Tel. 569 4299</b>
			<b>TA BENDE</b> Un Terreno propiedad di 801 m2 na Salinja / Moko pa Afl.144.180 <b>Tel.593 6318</b>	<b>TA BENDE</b> Hyundai Sonata 2016 very low miles Almost New Prijs Afl.44.000 ganga Prijs negotiable (finance posible) <b>Tel. 594 4731</b>

**ABONA PA SOLAMENTE AFL. 38,- PA LUNA Y RICIBI TUR DIA BO CORANTNAN PREFERI**

**MAS CERCA DI BO!**



**Yena aki bao e siguiente informacion**

**Telefon**

Number completo: .....

Adres di entrega: .....

Adres di cobranza: .....

**Pago Adelanta:**

☐ 3 Luna

☐ 6 Luna

☐ 1 año

- ☐ Cobranza na Cas.
- ☐ Cobranza na Trabao.
- ☐ Paga via BANCO (Standing Order) Aruba Bank no:33266.8
- ☐ Paga Aruba Bank ABO ONLINE .
- ☐ Paga CMB ONLINE .
- ☐ Personal na oficina di Bon Dia Aruba.
- ☐ Pone den Box.
- ☐ Tira den Cura.

**Yama na telefon: 582-7800 of manda un email na [accounting@bondia.com](mailto:accounting@bondia.com)  
[www.bondia.com](http://www.bondia.com)**



## Jeanine Zijlstra a cumpli 40 aña den servicio cu gobierno



**ORANJESTAD** - Diabierna ultimo minister di Financia, Asuntonan Economico y Cultura Xiomara Ruiz Maduro (MEP) a felicita Jeanine Zijlstra di Departamento di Financia pa su 40 aña den servicio di gobierno di Aruba.

Den presencia di famia y coleganan minister Ruiz-Maduro a gradici Jeanine pa su esfuerso y lealtad na pais Aruba.





## Dos auto a dal contra di otro den birada

SANTA CRUZ – Diabierna atardi den e birada di Santa Cruz y Cas Ariba un Kia Picanto a dal contra un Hyundai Getz. Ambos auto a haya sla y un señora den e Kia Picanto a resulta herida. Polis di trafico a presenta na e sitio pa asina tuma dato di e dalmento y ambulance a acudi unda e personal a atende cu e pashent.



## Hoben adicto a lanta cu polisnan



**ORANJESTAD –** Recientemente un di e personanan cu ta encarga cu e adictonan ambulante pa asina nan haya atencion medico a pidi ayudo di polis pa asina bay cu un cliente pa e haya su tratamiento.

E hoben a lanta cu e oficialnan cu forsa pa e no wordo geboei, su otro amigonan adicto a papia cu ne pa e bay trankilo y laga nan bay cu ne pa asina e por haya atencion medico. Asina mes e no kier a scucha, pero polis a haya nan ta uza poco forsa pa asina boei e hoben y pone den dog catcher y bay cu ne pa e destino.



Ministro encarga cu Salubridad ta anuncia cu entrante **21 augustus 2018** durante 14 dia lo tin oportunidad pa un y tur tuma conocimiento na Departamento pa Legislacion y Asunto Huridico, **Schotlandstraat 53**, di un peticion cu a ser haci pa obtene un grossiersvergunning pa e parcela **Cumana 78-P**. E permiso aki ta concerni benta di bebida sterki por mayor y pa consumo unicamente otro caminda cu den e parcela. Durante dicho termino aki tur hende por expresa por escrito nan obheccion contra dunamento di e permiso menciona, dirigi na e Ministro di Salubridad, via intermediacion di Director di Legislacion y Asunto Huridico, Schotlandstraat 53.

## Pelea formal pafo di Pacifico bar restaurant



**SAN NICOLAS -** Diabierna pa mas o menos 9:30 di anochi patruya di San Nicolas pasando dilanti di Pacifico bar restaurant a topa cu basta hende pafo di e luga.

E oficialnan a baha pa asina wak kico ta pasando y diripiente dilanti e polisnan femenino e hombernan a cuminsa bringa cu otro formalmente, e oficialnan a pidi pa refuerso policial na unda mas colega a bin yuda nan.

Tabata un pelea mahos debi cu ta trata di un grupo grandi di hende. Asina patruyanan di otro districtonan a presenta na e sitio y drenta accion. A bay over na detene dos persona un auto Hyundai tambe a keda destrui debi na e problema aki.

Ambulance a keda solicita pa asina atende cu un persona cu a keda herida. Recherche di San Nicolas a keda notifica pa presenta na warda pa asina tuma e denuncia. Hefe di cuerpo policial sr. Hoo tambe a yega pa ta na altura.



## Chauffeur a opta pa pasa den caminda cera pa accidente



**HOOIBERG** – Diasabra durante oranan di marduga Unidad di brandweer tabata tin nan truck poni memey caminda di Hooiberg banda di Maiky's pa e accidente cu auto den mondi y wayanan di coriente memey caminda.

Un dama chauffeur a kere cu

e truck ta para por nada den e forma ey cu luz cendi y a opta pa pasa esaki toch. Polis a par'e di biaha y hala su atencion debidamente debi cu tabata tin personalnan trahando riba caminda pa e accidente aki y wayanan di coriente tabata riba caminda.

## Problema a caba na damanan a ranca otro na cabey



**SEROE PITA** - Diabierna durante oranan di atardi polis a presenta na un cas na Seroe Pita caminda a surgi problema na unda cu un cabayero lo a lanta cu e famia di cas debi cu el a perde trabou.


Awor el a yega cas y a start un problema polis a yega pa asina intermedia. Despues di un rato e problema a sigui na

unda cu e dama di e cas a bay na cas di e bisiña y aki a ta na unda a start un pelea entre e muhenan y e otro a ranca e otro na cabey lastr'e te riba caminda.

E dama cu a bira victima a informa autoridad cu e kier entrega keho di maltrato, y a pone cu polis a detene e otro dama cu ta e agresor. Recherche a keda poni na altura di e caso tambe.



## Desconocinan a pasa tira Ski den pia



**ORANJESTAD** - Diasabra pa mas o menos 3:30 di marduga un auto shinishi a pasa den Avenida Alo Tromp los algun tiro y bandona e sitio. Den e tiramento aki un di e

tironan a alcanza e adicto ambulante ski. Ski a subi su bais di biaha bay core rond y dilanti Royal Plaza hendenan a wak'e tur na sanger y par'e y a yama



polis. Patruya cu a yega na e sitio a topa cu ski y na su pia robes tur na sanger y a solicita ambulance. Paramediconan a yega pa atende cu ne. Ski a keda transporta pa hospital pa

atencion medico avansa. Na e sitio na e T-weg di Avenida Alo Tromp y Visstraat na Ranchostraat polisnan canando buscando pa huls unda e personanan a indica

for di unda e hendenan a los tiro oficial a topa cu tres huls benta riba caminda unda a cera e area di biaha notifica recherche y departamento tecnico di e caso.



## Pronostico di tempo

### Tempo:

Den marduga y mañan: parcialmente nubia cu localmente un awasero

Temperatura maximo 33 grado Celsius y temperatura minimo 27 grado Celsius.

Solo lo baha awe nochi 06:58pm y lo sali mañan mainta 06:28am.



### Biento:

Moderate te basta fuerte for di direccionnan entre oost-noordoost y oost-zuidoost; forsa 4 te 5 (20 te 39 km/ora, 11 te 21 nudo). Den dia fuerte te duro den rafaga; forsa 6 te 7 (40 te 61 km/ora, 22 te 33 nudo).

### Situacion general di tempo:

Den proximo 24 ora humedad laga atras pa un ola tropical por pone un awasero desaroya localmente cu ainda un chens chikito pa lamper cu strena. Mas aleu por bisa cu diferencianan di presion den area di Caribe lo aumenta un poco durante e prome parti di e siman aki, poniendo cu biento lo bay supla temporalmente mas duro. Un alerta pa biento duro lo por bira necesario mañan.

### Condicion di lama:

Olanan di lama lo ta for di direccion oost cu haltura di 4 te localmente 7 pia cu e olanan di mas halto na costanan oost, noordoost te noordwest di e isla.

## Arrestatie team a detene sospechoso cu a los tiro

**COMPANANSHI** – Diasabra anochi polis a presenta den area di Compananshi unda tabata tin bringamento y a termina na destruccionnan

Ta asina cu esunnan cu nan auto Yaris a keda destrui a bay na un cas na Nobelstraat y los tiro, esaki a sosode despues cu polis a tuma dato na un cas na Reamurstraat,

Tabata un persona conoci pa husticia O.T, cu a bira victima di destruccion di auto y nan no a keda contento y cu el a bay busca problema. Oficialnan di Arrestatie Team tabata riba nan patruya buscando e sospechoso, y a bin topa cu e yaris berde den area di Compananshi. E sospechoso a intenta di huy pero nan a logra par'e y a bay over na detene e cabayero. E tabata compaña cu un dama, e oficialnan a rista den e auto wak si por a topa cu arma. E sospechoso a keda hiba warda pa duna cuenta na sub fiscal.



## Algun cabayero a mishi cu turista femenino



Ministro encarga cu Salubridad ta anuncia cu entrante **21 augustus 2018** durante 14 dia lo tin oportunidad pa un y tur tuma conocimiento na Departamento di Legislacion y Asunto Huridico, **Schotlandstraat 53**, di un peticion cu a ser haci pa obtene un koffiehuis/restaurantvergunning B pa e parcela **Italiëstraat 50, lokaal 8 en 9**. E permisionan aki ta concerni e.o. benta di bebida sterki por detal y cuminda pa wordo consumi den e parcela. Durante dicho periodo aki tur hende por expresa por escrito nan obheccion contra dunamento di e permisionan menciona, dirigi na e Ministro encarga cu Salubridad, via intermediacion di Director di Departamento di Legislacion y Asunto Huridico, Schotlandstraat 53.

**PALM BEACH** – Diasabra durante oranan di anochi un turista femenino a hay'e confronta cu un situacion desagradabel na unda den area di hotel entre Riu pa Hilton hotel el a keda ataca pa 5 pa 6 mucha homber y nan a want'e y cuminsa mishi cu ne.

E mucha hombernan mientras nan tabata mishi cu e turista nan a mira cu nan tabata wordo observa pa mas hende y nan a laga e turista los pa despues core bandona e sitio. E turista a core yega den area



di e pier y busca un trahado di seguridad pa asina pidi ayudo. Aki polis a presenta y a topa

cu e turista y tuma dato di e sucedido.



## Miss Aruba World 2018 a organisa 'Healthy Kids Camp'

**ORANJESTAD** - Miss Aruba World 2018 Nuri-  
anne Arias Helder ta den preparacion pa Miss World venidero. E competencia di Miss World lo tuma luga pa un luna largo, di november pa december 2018 na Sanya, China. Den cuadro di esaki, Nuri-  
anne a organisa un camp titula 'Healthy Kids Camp' cu e meta pa educa e muchanan riba diferente topico importante pa conscientisacion pa cu e cuido di nan salud. E ta splica cu esaki ta parti di e proyecto 'Beyesa cu Proposito'.

Segun un comunicado cu Bon Dia Aruba a ricibi, e eleccion final lo tuma luga dia 8 di december 2018. Manera indica, un gran parti di e competencia di Miss World ta e seccion di 'Beyesa cu Proposito'. Esaki ta encera cu e participante ta scoge un causa social cu e lo traha y boga p'e na Aruba.

E candidata ta organisa un proyecto social na beneficio di su pais. Den e caso di Miss World Aruba 2018 Nuri-  
anne a scoge pa e causa di: Derecho pa salud di un y tur. Nuri-  
anne ta boga pa tur hende tin



e derecho na acceso na cuido di nan salud pero especialmente nos muchanan.

Un total di mas cu 40 mucha a participa den e camp aki cu tabata yena cu diferente actividad di dia 30 di Juli 2018 te cu 3 di augustus 2018, segun e comunicado ta splica. E actividadnan a encera, nutricion y actividad fisico cu IBISA, actividad di nutricion cu PediaSure (Medicosmetics), Yoga cu Carolien Gaarhuis, chequeo di bista cu Kok Optica y rondleiding, cultivacion y plantacion pa cuminda saludabel y propio cultivo na Santa Rosa. Pero tambe les di baile y zumba cu 'Youth in ac-

tion'. Pues e muchanan a siña diferente aspecto di salud y di cultivacion, e comunicado ta bisa.

Na final di e camp, tur mucha a presenta kico nan a siña durante e siman na e may-



ornan y prensa. Nan a presenta esaki via poster cu nan mes a pinta y pa medio di un show di baile y actuacion. E dos gruponan di mucha di edad 6 te cu 11 a presenta nan poster y splica kico nan a siña y e grupo di e muchanan di

12 y 13 aña a duna un show di actuacion contra 'bullying' cu ta parti di salud mental. Tambe e grupo aki a presenta un baile pa inspira e publico pa semper ta positivo y apoya otro.



CAS

## E garantianan di ENNIA

- ✓ Cobertura completo
- ✓ Pago di daño rapido
- ✓ Prima atractivo

Bo cas y e mobilario den bo cas ta di suma importancia pa bo. Pero maske cuanto bo protega nan, bo no sa ki ora algo por bay robes. Pesey bo ta scohe un seguro di cas y di mobilario cu tur e garantianan di ENNIA: cobertura completo, pago di daño rapido y un prima atractivo. Esey ta sigur.



Bishita [ennia.com](http://ennia.com),  
bo broker of oficina di ENNIA







**Durante temporada di yobida ta importante  
pa nos deshaci di materialnan cu por retene awa y bira criadero di sangura.**

**PASOBRA...**

**Prevencion di Zika, Dengue y Chikungunya ta tarea di nos tur!**



## Aruba One Happy Island Lions Club activo na San Nicolas

**SAN NICOLAS** - Diasabra mainta, ya caba for di ora trempan, prome cu 7or, miembronan di Aruba One Happy Island Lions Club a reuni na porta di Sero Colorado pa asina haci e beach conoci como Plastic Beach, completamente limpi.

Segun un comunicado cu Bon Dia Aruba a ricibi di Aruba One Happy Island Lions Club, nan a adopta e beach aki y lo mantene limpi regularmente. "Asina yudando pa tene nos beachnan limpi y contribui cu nos medio ambiente", nan ta bisa den nan comunicado.





# 2x1

## MUM'S NO-COOK MONDAY!

BUY ONE PIZZA & GET A SECOND PIZZA FREE!



**FREE DELIVERY AT THE BEACH & ALL HOTELS**  
**ARUBACHARLIE.COM**  
**NOW ORDER BY**  
**+297 597 7613**

Located at Brickell Bay Mall next to Sand Bar on Palm Beach

## Filomena College MAVO a yama alumno y coleganan nobo bon bini

**SAN NICOLAS** - E aña escolar nobo a cuminsa cu bon energia y positivismo na Filomena College MAVO, San Nicolas. Esaki ta segun un comunicado cu Bon Dia Aruba a ricibi di e scol.

“Directie di FCM ta yama pa medio di e articulo aki bon bini na cada alumno y colega nobo di scol. Ta trata di e maestro nan Roan Petronia (GYM), Jarissa Dubero (CKV), Mariela Carrion (Papiamento), Shanty Dwarka (Economia) y pa administratie Connie Boekhoudt.”

Tambe directie ta desea cada alumno y maestro di e team total y campeon aki, tur clase di exito, e comunicado ta bisa. “Nos no tin duda cu nos lo briya atrobe den 2018 – 2019.”



## Colegio San Augustin cla pa aña escolar 2018-2019



**SAN NICOLAS** - Diabier- na ultimo Colegio San Augustin MAVO tabatin su prome actividad pa e aña escolar 2018-2019. Segun un comunicado di e scol, riba e ‘kennismakingsdag’ aki alumnonan por a gosa di un dia caminda cu nan por a siña conoce otro

miho a base di diferente tareanan cu nan a haya.


E dia aki a wordo organisa pa Meneer Stuit di gym cu cooperacion di e team di maestronan di Colegio San Augustin, e comunicado ta bisa. “Team di Colegio San Augustin a haci lo maximo

posibel pa duna nos alumnonan di ciclo basico 1 e miho bon bini posibel y duna alumnonan di klas 2,3 y 4 un welcome back.”

“Team Colegio San Augustin ta desea tur nos alumnonan un exitoso aña escolar 2018-2019.”



## Catcher Arubiano cla pa hunga playoff na Republica Domincana



**ORANJESTAD** - E catcher Arubano Nigel Calmes lo debuta hunto cu su ekipo di Tampa Bay Rays den e playoff di Dominican Summer League despues cu pa prome biaha den historia ekipo di Tampa Bay ta logra di clasifica pa e Dominican Summer League 2018.

Segun nos por a compronde di Nigel, e playoff ta poni pa inicia dia 27 augustus proximo. Esaki lo ta un tremendo oportunidad pa Nigel por briya y demostra loke e tin den e Dominican Summer League pa asina e porta por habri pele y di e forma ey crea oportunidad pa por bay Merca y sigui cu su carera cu ekipo di Tampa Bay Rays.

## Pelotero Arubano a termina temporada como di dos miho batiado na Italia



**ORANJESTAD** - For di cuminsamento di su temporada nobo e aña aki, despues cu e pelotero Jorge Vrolijk a firma na Aruba cu ayudo di su Coach Conrad Efrem Orman pa asina hunga na Italia, e pelotero Arubano Jorge Vrolijk a demostra di tin consistencia den su bateo hunto cu su ekipo

**Macerata Angels.**

Jorge a bati cu averahe di 471, cu 33 hit den 70 turno, a logra di empuha 23 careda y a roba 27 base exitosamente

den su 30 intento. Cu e resultado aki, e ta keda como e di dos miho batiado den liga A2 na Italia  
Dia 1 y 2 September Jorge hunto cu su ekipo Macerata

Angels lo hunga den playoff semifinal best of 5 series. Si Jorge y su ekipo gana e gran final aki y titula Campeon nan lo wordo promove pa Liga Grandi di IBL A1.



## Deportistanan a yega Aruba despues di 6 siman di training na Europa

**ORANJESTAD** - Segun un comunicado di prensa cu Bon Dia Aruba a ricibi, dia 4 di juli Jourde Klaber y Zahyon Klaber a sali rumbo pa Hulanda. Durante e biahe aki nan a wordo guia pa ex campeón mundial y coach olimpico Henk Meijer.

Segun e comunicado, Henk Meijer no ta desconoci aki na Aruba, pasobra e tin amor grandi pa Taekwondo. Henk Meijer a prepara training stage na Spaña, Belgica, Hulanda, Alemania y un campeonato na London pa e rumanan Klaber. Den nan tempo liber nan a logra bishita Austria tambe, segun e comunicado. Alberto Klaber, trainer y coach di Brazil Taekwondo Stichting tin un amistad estrecho y largo cu Henk Meijer kende sa guia e team rond mundo na campeonatonan y camp training. E aña aki a tuma contacto cu Henk Meijer tocante preparacion pa e categoria adulto pa e dos atletanan aki y Henk Meijer a logra pa nan participa na 4 training stage y un campeonato na London, e comunicado ta splica. Jourde Klaber y Zahyon Klaber a yega Aruba bek dia 15 di Augustus y nan a wordo ricibi pa prensa, presidente di Aruba Taekwondo Bond Guaicaipuro Jimenez y director di Lotto pa Deporte Di-Estefano Wernet. "Sr. Guaicaipuro Jimenez tabata contento cu e regreso di e atletanan cu awo lo sigui cu nan preparacion pa Costa Rica Open cu ta nan prome G1 den e categoria di adulto."

E comunicado ta bisa cu sr. Di-Estefano Wernet a hiba palabra di satisfaccion y Lotto pa Deporte ta kere den desaroyo di atletanan di deporte. Sr. Di-Estefano Wernet a felicita ambos atleta pa nan logro na London, Inglatera unda cu nan a logra gana medaya di Oro. Brazil Taekwondo Stichting su atletanan tambe a bay aeropuerto pa ricibi Jourde Klaber y Zahyon Klaber, e comunicado ta bisa na final.



## OFFICE SPACE FOR RENT

- Great location L. G. Smith Boulevard 22
- Close to Airport (next to notary)
- Sufficient parking space
- Size 90sq. mtrs. Consisting of various rooms, ground floor
- Price Afl. 3.500 monthly

**Telephone: 582-4417 / 594-0640**

**Like us on  
Facebook**



facebook.com/bondianoticia



## Campeonato HEINEKEN di Aruba Softball Bond 2018 a inicia

Cu un bunita y colorido desfile dedica na baluartenan Wiwi Maduro y Chin Thiel na un manera imprecionante Diabierna ultimo tabata tin e gran apertura di campeonato HEINEKEN 2018 di Aruba Softball Bond kende e aña aki a wordo dedica na dos baluarte den deporte Sr Wilbert “Wiwi” Maduro y Hyacintho “Chin” Thiel.

Rond 715pm maestra di ceremonia Sra. Sandra Suarez Croes a yama un bon bini na tur invitadonan y tur presente y a hasi apelacion pa tur e 15 equiponan presente cuminsa drenta for di left-field pasa tercera base crusa homeplate saluda fanatico y invitadonan y despues pasa primera base y bay para den cuadra. Mesora despues a yama Jaydiene Croes kende a resona e tononan di Aruba dushi tera. Presidente di Aruba Softball Bond a sigui cu un tremendo discurso gradiciendo mas cu klaro tanto Wiwi Maduro y Chin Thiel pa nan aporte y nan dedicacion y nan familiares pa tur nan support y comprension.

Alaves a spilk cu deporte ta un vehiculo cual ta brinda nos e oportunidad pa desaroya nos talento pero ta siña nos disciplina, respect y ta kita nos hobennan for di caya unda hunto nos ta crea un mihor nacion. Paden di veld nos ta contricante y competi pa gana otro pero pafor di veld manera wega caba nos ta amigo y deporte ta yudabo hustamente crea amistad y networking. Despues MC Sandra a lesa e CV di baluartenan Wiwi Maduro y Chin Thiel unda nan a ricibi nan reconocemento oficial di Aruba Softball Bond. Chin Thiel lamentablemente ta sufriendo di un kibrante di salud bastante serio y no por tabata presente pero Roy Geerman a tuma esaki den nomber. Yeritza Ras di Tanki Leendert Girls ta contesta 3 di e 4 preguntanan relaciona cu softball bon y ta gana e titulo di Madrina di aña 2018 den e contest pa madrina di aña 2018. MC a yama dos hoben dilanti esta Jean Marie Kock di Jaguars y Guyon Cannister di Royal Power pa lesa e “CREDO” di Softball. Un rato despues a bay over na “HURAMNETACION” di e cuerpo di Umpires unda Ronald Nicolaas tabata en-



carga cu e parti aki. Promer cu a bay over na e parti oficial unda ta tira e promer bala pa decreta campeonato 2018 oficialmente habri, Presidente di ASB Endy Croes a pidi un minuut di silencio brindando respect na manager di Selecion femenino y di e Team Campeon 2017 Aruba

Bank kende Augustus 2017 ainda a biah cu Selecion pa Sto Domingo Sr Lionel Richardson. Lionel Richardson 3 di Augustus recien a bay laga nos. Mesora a continua cu e programa unda Wiwi Maduro kende tabata bon bateador pero alaves tremendo pitcher den su gloria



a subi monticulo, Roy Geerman como bateador y asina a lansa e promer bala. Umpire ta decreta playball!! Campeonato 2018 a keda oficialmente inaugura. Royal Power a hunga contra Piratas e promer wega di campeonato. Masha masha pabien Aruba

Softball Bond deseando tur equipo un campeonato exitoso. Masha danki Wilbert Wiwi Maduro y Hyacintho Chin Thiel pa tur lokual boso a brinda voluntariamente na deporte engeneral y muy enespecial e deporte di softball. Danki di curason!!!!



*Parlamentario Alan Howell (POR):*

## ‘Pregunta riba Carnival Village’

**ORANJESTAD - Durante tratamiento di presupuesto di DOW den parlamento, parlamentario Alan Howell tabatin diferente pregunta pa loke ta trata desaroyo y proyectonan na San Nicolas.**

Un di e preguntanan clave cu e parlamentario di POR a toca ta Carnival Village cual e ta considera un bunita proyecto pero cu pa un of otro motibo a keda na aros con coco. Ta trata di un proyecto cu mes- ter tabatin diferente fase pero a yega te fase uno solamente. Pesey e ta puntra cual ta e

diferente fasenan, kico min- ister lo haci cu Carnival Vil- lage y den ki tempo lo por mira desaroyo akinan.

Minister Otmar Oduber a in- dica cu e si tin interes pa Car- nival Village y cu e ehecucion di e fasenan lo cuminsa e aña aki mes na beneficio di habi- tantenan di San Nicolas cu lo por uz’e, no solamente pa ac- tividadnan di Carnaval, pero tambe pa otro metanan.

Otro pregunta relaciona cu pariba di brug ta si e proyecto di polisnan drumi lo conti- nua. E ta considera e proyec-

to aki un positivo cu a yuda hopi cu e aspecto di siguri- dad. Algun di e cayanen cu lo desea haya e polisnan drumi ta Caya Jose Geerman, Seroe Preto, Mabon y e caya cu ta core den Noord Cura Cabay den direccion di misa di Bra- zil.

Relaciona cu e beach na Cura Cabay, Alan Howell a bisa cu por a mira un apertura hopi bunita, cu habitantenan a keda hopi contento, pisca- donan a keda feliz, pero keto bay por bira cu e kiosco no ta den funcion. Lo desea mira e kiosco o habri unda ta bende pisca fresco y tin cualkier



actividad eyan pa tin mas movecion pariba di brug. Lo desea di sa ki dia e kiosco lo habri. Tambe lo desea di sa

si e problema cu tabatin cu e wnan a keda regla y si tin personanan caba cu ta encar- ga cu e kiosco.

*Parlamentario Mervin Wyatt-Ras (AVP):*

## ‘Preguntanan na minister di turismo a base di informacion riba website di CDC’



**ORANJESTAD - Den medionan di comunica- cion por a tuma nota cu e centro di control di male- sanan (the Center of Dis- ease Control) a publica riba nan website cu Meri- canonan cu kier biaha pa Aruba pa pasa nan vaca- cion mester tene cuidou cu e malesa Zika. Nan tin cu tuma cierto medidan- an di precaucion. Aki a hisa e nivel di precaucion pa cu Aruba. Den su reac- cion departamento di sa- lubridad di Aruba a nenga cu lo tin ZIKA. Minister encarga cu salubridad a duna di conoce cu ta trata di ‘fake news’.**

Sin embargo e informacion riba e website di e Centro di Control no a ser kita. Segun Mervin Wyatt-Ras e infor- macion aki por influencia un cantidad di turista Mericano pa bin Aruba.

En bista cu 80 % di nos in- greso ta procedente di turis- mo y pues cu nos ta depende asina hopi di turismo, nos por ser afecta grandemente pa un informacion semehante.

Wyatt-Ras y su fraccion ta haya e situacion aki suma- mente preocupante y a man- da cuatro pregunta pa minis- ter al respecto. E ta spera cu minister por reacciona mas pronto cu ta posibel.

El a puntra kico minister a haci pa coregi e informacion aki? Dicon e informacion aki ainda ta riba e website si min- ister ta bisa cu e ta fake news? Kico lo haci al respecto? Si minister por duna Staten informacion encuanto Zika, chikungunya e otro malesan- an infeccioso na Aruba?

Wyatt-Ras ta spera cu e por haya contesta cu speed pa nos turismo, nos pan di cada dia, no ser perhudica.



### OPENBARE AANBESTEDING

Het Land Aruba is voornemens om in het openbaar aan te besteden, het project:  
**“Het leveren van hardware en software voor de vernieuwing van de ICT-infrastructuur van de Directie Telecommunicatiezaken”.**

#### Korte omschrijving van het werk:

Het leveren van servers, desktop, laptops, switches, routers, firewall en programmatuur voor de Directie Telecommunicatiezaken (DTZ) alsmede het monteren en configureren van voornoemde hardware en software. Deze aanbesteding wordt ten behoeve van het project “DTZ automatiseringsproject” uitgevoerd.

#### Uitvoeringstermijn:

Binnen 12 weken

#### Opdrachtgever:

Land Aruba

#### Verkrijgbaarheid Terms of Reference:

De Terms of Reference (TOR), is vanaf 20 augustus 2018 verkrijgbaar bij DTZ te Rumbastraat 19 tegen betaling van AWG. 250, -. De betaling dient te worden voldaan op de volgende bankrekening onder vermelding van “TOR-DTZ automatiseringsproject”:

- RBC Royal Bank (Aruba) N.V.
- bankrekening nr. 30.71.073

#### Inlichtingen:

Een inlichtingenvergadering wordt gehouden in de vergaderzaal van DTZ op 31 augustus 2018 om 10:00 a.m. U kunt op die dag uw vragen mondeling stellen. Deze vragen dienen tijdens de inlichtingenvergadering ook door u schriftelijk te worden overhandigd. Vóór deze vergadering kunnen inlichtingen schriftelijk per e-mail [dirtelza@setarnet.aw](mailto:dirtelza@setarnet.aw) t.a.v. de heer J. Ludwig Jansen MSc. uiterlijk 29 augustus 2018 om 3:30 p.m. worden aangevraagd bij de DTZ.

#### Nota van inlichtingen:

De nota van inlichtingen wordt vastgesteld op 14 september 2018 en is vanaf die datum verkrijgbaar bij DTZ en wordt verzonden naar alle gegadigden.

#### Inschrijving:

De inschrijving geschiedt in de Nederlandse taal en uitdrukkelijk door middel van een bij de TOR gevoegd en gewaarmerkt inschrijvingsformulier en dient uiterlijk op 21 september 2018 vóór 11:00 a.m. middels één (1) origineel en twee (2) kopieën van alle verzochte documenten en één (1) kopie in Pdf-format op CD of USB stick bij de DTZ te Rumbastraat 19 te zijn ingeleverd in de daarvoor bestemde bus.

#### De inschrijver moet bij zijn inschrijving de volgende vereisten overleggen:

1. Ingevuld inschrijvingsformulier;
2. Bewijs van inschrijving in het register van de Kamer van Koophandel en Nijverheid Aruba (niet ouder dan zes (6) maanden);
3. Bereidheidsverklaring van een lokale bank tot het afgeven van een bankgarantie van 10 % van de inschrijfsom;
4. Verklaring van de Ontvanger der Belastingen inzake nakoming fiscale verplichtingen;
5. Andere vereisten zoals vastgelegd in de TOR.

#### Openbare aanbesteding:

De openbare aanbesteding vindt plaats op 21 september 2018 om 10:00 a.m. op het kantoor van de DTZ te Rumbastraat 19.

Bepalingen geregeld in de Comptabiliteitsverordening 1989 (AB 1989 no. 72) en het Landsbesluit openbare aanbestedingen (AB 1996 no. 58) zijn van toepassing

#### Gestanddoening:

De termijn van gestanddoening is negentig (90) kalenderdagen na de uiterlijke datum van inschrijving.

#### Directievoering:

De directievoering zal in handen zijn van de DTZ.



*Booshi Wever (UPP):*

## ‘Pueblo conoce un cambio di berdad desde 17 di november 2017?’

**ORANJESTAD** - Ta cada bes atrobe un hilaridad di mira con mandatarionan kier purba di hala atencion, pero sin ningun tipo di argumentacion valido. E mandatario di turismo por ehempel ta gaba cu un pier cu a wordo construi dilanti di un hotel y ta menciona riba tereno di salubridad con lo introduci un app pa controla e dokternan di cas. E ta lubida sinembargo cu tin hopi critica riba e lista di espera y e trato na sala di emergencia na hospital. Y keto bay e mesun hendenan cu a comete actonan di corrupcion den e ‘vernieuwbouw’ di H.O.H. ta cana rond den e edificio y ta keda ‘wheel & deal’ den e proyecto aki.

E mandatario di medio ambiente ta haci uzo di medionan di comunicacion comprometi, otro cu esunnan di pasado, y di su ‘spin-doctors’ cu ela contrata den Serlimar pa purba di hustifica su plan biyonario y macabre pa recoge y procesa desperdicio. Y su meta no ta pa clarifica su maneho, al contrario su unico meta ta pa pone parlamento dilanti di un ‘fait accompli’ y pa ‘brainwash’ e pueblo. No tin awa pa laba. “It is his way or the highway”. Y pa colmo uzando aki atrobe placa cu no tin pa traha e promocionnan aki y pa pasa nan na television y otro medionan.

Otro mandatario cu ta haci declaracionnan, cu ta remarcabel, ta e prome minister. Den un declaracion ta acusa Citgo cu nan tin Aruba secuestra y den un habri y cera di wowo e ta brasa cu e mesun secuestradonan aki. Kico tin anto, Citgo tin Aruba secuestra si of no? Prome minister ta reacciona contento cu porfin Citgo lo cuminsa inverti den e “upgrader” cu un suma ‘astronomico’ di 35 milyon dollar. Cuanto di e 35 milyon dollar aki lo bay den e companianan cu nos tur sa cu ta propiedad di Mike de Meza? Awor si e contracto estrangulante cu 20 parlamentario a aproba ciegamente ta bon? Of tin hendenan cerca di un mandatario cu ta den servicio di e compania di Mike de Meza?

E mandatario sinembargo cu ta ‘span de kroon’ den su empeño pa acapara atencion ta e minister di labor. El a fulmina contra e departamento di labor, insinuando yen di actonan dudoso pa bay caba como un fruminga y ta baha cabes pa SEPPA. Unda e famoso investigacion a keda? Normalmente prome cu bo haci declaracionnan publico y pio ainda acusa hende, bo mester tin prueba contundente cu ya caba mester a conduci na sea bay Ministerio Publico of at least cuminsa cu un acto di suspension of termination di trabou via e departamento di Recurso Humano.

A acusa e Management Team y algun

otro empleado di DPL di a otorga ‘ontheffing’, anto e ora ey e pregunta ta surgi cuanto ‘ontheffing’ e Management Team a duna? Di e ‘ontheffingen’ aki cuanto tabata cu conseho positivo y cuanto di esakinan a wordo aproba pa minister Glembert Croes? Ta un ‘cheap-shot’ di parti di e minister di acusa e Management Team di a otorga ‘ontheffing’. Te leu cu ami sa, como ex-mandatario ta e minister ta esun cu ta firma pa e ‘ontheffing’ y ningun otro hende. Y ta e ta esun cu al final ta responsabel pa esaki tambe. Alabes segun mi cu ora cu ta manda un ‘afwijzing’, e ora ey e minister no kier ta e ‘boeman’, e ora ey si DPL mes por mande pero despues cu e minister bay di acuerdo cu esaki. Pues aki tambe kier ta populista. Parce cu e ta ‘shoot first and ask questions later’ ta na ordo di dia. Pero mi por compromete e motibo pakico e mandatarionan ta recurri na e modus operandi aki. No tin vision. Y despues di 9 luna ainda e baby no a nace. Pues mester cuminsa desvia atencion y e forma predilecto ta priminti y no cumpli. Esaki ya caba

a wordo demostra durante e campaña electoral di 2017 na unda a priminti cielo riba tera y cu nan si tin un solucion, pa despues bin cu e excuus cu a hereda un situacion mas dificil di loke a premira of cu pasobra ta trata aki di un coalicion. Esaki nos ta yama ‘cheap shots’.

Algo cu a hala nos atencion ta e hecho cu minister president a bisa cu no por entrega e presupuesto na ora pasobra tin problema cu e aspecto di personal. Dicon? Asina hopi hende a wordo tuma den servicio den e ultimo 9 lunanan? Ta interesante pa sa, si tin transparencia, pa pueblo sa cuanto cada minister a nombra y na unda y cu si tur ta presenta na trabou. Segun nos informacion tin algun ‘periodista’ ta cobra pero no ta presenta na pia di trabou. Si e situacion ta asina malo cu mester a masacra e pueblo cu e ‘crisisheffing’, con por hustifica cu tantisimo hende a ser tuma den servicio den e aparato gubernamental sin papia por ehempel di e decenas di hendenan cu ser tuma den servicio na

Serlimar?

Pues e conclusion cu por ser saca despues di 9 luna di e gobierno ‘POR-RED-pober MEP’ ta cu nada a cambia. Fantoheria, manipulacion ta na ordo di dia, acusacionnan sin base pa tapa incompetencia, tigernan di papel, spin-doctors etc etc, cu otro palabra pachanga ta sigui sin cu e pueblo ta wordo invita pero cu e mesun pueblo aki al final ta esun cu mester bay paga, sino ta ‘links om’ lo ta ‘rechts om’. Aruba, quo vadis!



**FOR ALL YOUR FLYER DISTRIBUTIONS**



**Call: 582-7800**  
**email: [accounting@cspnv.com](mailto:accounting@cspnv.com)**



*Parlamentario Hendrik Tevreden (MEP):*

## ‘No por warda mas pa atende cu e problematica di adiccion na Aruba’



**ORANJESTAD - Adiccion ta un di e plaganan cu ta asotando nos comunidad y ta convirtiendo su mes den un epidemia social. For di rapport Fundini (Sociale Impact van Drugs op Aruba, 1997) nos a bini na comprende cu e problematica aki ta uno serio y enorme. E tempo ey nos a mira accion tuma luga cu introduccion di centro di rehabilitacion y ayudo mas profesionalisa pa adiccionan. Sinembargo cu tempo esaki a perde curso y awe nos ta sufriendo e consecuncianan. Ya pa basta aña nos no ta mira un adelanto riba e tematica aki, y nos ta spera cu bou di Gabinete Wever-Croes 1 nos lo mira e cambio.**

**Gabinete anterior**

E gabinete anterior a conoce dos minister cu a asumi encargo pa e problema aki. Ex-minister Visser y ex-minister Dowers. Bou encargo di e prome menciona a tuma tempo pa cambia e structura y maneho y segun cu mi por comprende cu bou di encargo di minister Dowers lo mester a ehecuta e maneho. E resultado cu nos ta bibando awe ta duna nos e motibo pa kere cu sea e maneho no tabata adecua of e ehecucion di esaki a laga di desea. Cual sea cu e por ta, nos ciudadanonan no por warda mas.

### **Gabinete actual**

Bou di e gabinete actual nos kier mira un integracion di tur e departamentonan cu tin di haber cu e problematica aki. Nos kier mira un sincronisacion pa brinda e ayudo for di

esun mas chikito te cu esun di mas grandi. Cuminsando cu prevencion den kleuterscol pa scolnan avansa. Pa logra esaki tin mester di mas cu djis finansas, tin mester di boluntad, curashi y dedicacion hunto cu un vision concreto y simpel pa ehecuta. Mi tin e confiansa cu gabinete Wever-Croes 1 por logra pa laga e bala cuminsa lora den direccion di mehoracion y for di Parlamento mi lo haci mi maximo esfuerso pa mira cu esaki tuma luga. Si e minister actual y esnan cu el a encarga pa asumi e responsabilidad aki traha eficientemente ariba e problematica aki, pueblo lo sinti e cambio y si no ta awor ta nunca nos lo mira un adelanto.

Mi compromiso cu pueblo ta, pa hunto cu partnernan den coalicion y par-

lamento, implementa reglanan cu lo percura pa construi un miho Aruba. Un Aruba unda mayornan por haya ayudo di biaha pa nan mes y pa nan yiunan cu tin un of otro problema cu adiccion. Un Aruba unda cu esnan cu dependencia na substancianan kimico por recupera y reintegra den comunidad. Un Aruba unda cu esnan cu ta sufri di problemanan mental, no tin di keda wordo manda di cashi pa muraya pa ricibi e ayudo cu nan tin derecho ariba dje.

P’esey nos lo haci un empuhe pa gobierno introduci un maneho integral, pa haci e diferente aspectonan cu ta necesario pa logra e meta aki posibel, man den man cu e cambio di leyman pa por facilita e proceso pa brinda miho cuido y na tempo pa nos hendenan.

*Parlamentario Alan Howell (POR):*

## ‘Ayudo pa casnan na San Nicolas cu ta yena cu awa’

**ORANJESTAD - Durante reunion publico di parlamento pa trata e presupuesto di DOW, Alan Howell, parlamentario di POR a indica cu tin un problema pa basta tempo caba, ora awa yobe duro, awa di Wegkust-batterij ta bin abou caba te banda di e misa Metodista, cu ta keda patras di Abraham de Veer School.**

Pa añanan largo e hendenan den vecindario ta sufri ya cu awa ta yena nan cas. A scucha diferente storia riba esaki y awor Alan Howell como parlamentario a haci un peticion na minister di infraestructura pa tira un bista riba esaki y trece un alivio pa e habitantenan aki.

Ploegen di Serlimar tambe a haya atencion di Howell. E por a compronde cu den futuro e ploegnan aki lo bay cay bou di DOW y ta puntra cual ta e motibo pa esaki, pa ki tempo tin pensa di haci esaki y si e cambio aki berdaderamente ta factibel.

Tambe el a puntra cuanto ploeg tin na e momentonan aki pa pariba di brug, si nan ta suficiente of ta mira cu mester di mas. Igualmente el a puntra si tin suficiente opzichters pa e ploegnan cu tin na e momentonan aki.





*Parlamentario Alan Howell (POR):*

## ‘Minister Otmar Oduber ta confirma cu na september lo cuminsa pone asfalt pariba di brug’



**ORANJESTAD - Parla-mentario Alan Howell, durante tratamento di presupuesto di DOW den sala di parlamento a indica cu e ta hopi contento di mira un diferencia grandi den e corto tempo di existencia di gabinete Wever-Croes. “Nos no ta satisfecho totalmente ainda, pero nos ta hopi contento cu e trabounan cu e minister di Infraestructura a bin ta haciendo y ta spera tambe cu e minister sigui den e mesun rumbo aki, cu e mesun gana pa trece e cambionan cu pa añanan no a mira”.**

El a indica cu por a mira un cantidad di bouwvergunning cu a sali den ultimo lunanan y mirando esaki por hasta bisa cu nan ta mas cu loke a wordo otorga den e ultimo 8 añanan pasa. Esaki ta ilustra cu e maneho ta uno unda cu e ser humano berdaderamente ta central.

Continuando e parlamen-

tario di POR a expresa cu pa hopi aña habitantenan tabata disgusta pa e forma cu a hiba e maneho pa loke ta bashamento di asfalt dilanti di nan cas. Hopi di nan hasta a cansa di tanto stof cu nan a come y a fada di pidi pa haya asfalt dilanti di nan cas of nan bario. Awo por mira cu e minister hunto cu DOW a cuminsa cu e proceso di asfalta e camindanan cu ta necesario.

“E ta great pa mira cu e minister di DOW ta moviendo den diferente bario, pero ta mas great pa scucha y mira den diferente medio di comunicacion y medionan social, independiente di color politico di e persona, nan ta keda contento di mira un cambio y haya un alivio di comemento di stof den nan bario”.

Logicamente e movecion aki ta pone un presion grandi riba e minister y e departamento debi cu tur hende ta desea di haya asfalt den nan bario. A cuminsa cu barionan pabou di brug, pero Howell

como habitante di pariba di brug, lo desea di mira masha lihe, mas pronto cu ta posibel, cu e bashamento di asfalt por cuminsa tuma luga pariba di brug. P’esey el a puntra e minister ki dia e habitantenan di pariba lo por cuminsa wak y sinti e cambio aki den nan bario. Tambe lo desea di sa cual ta e barionan cu lo bin prome na remarke. E ta considera cu ta importante pa cuminsa na e barionan cu ta wardando pa mas cu 20 aña.

Tin barionan cu a yega di manda carta pa minister anterior of a yega di haci peticion. Por ehempel barionan na Weg Seroe Preto, barionan na Brazil, Mabon, Rooi Master y Sabana Basora.

Durante contestacion minister Otmar Oduber a confirma cu den luna di september lo cuminsa cu e parti di bashamento di asfalt pariba di brug y barionan y lo cuminsa den barionan manera Seroe Preto, Brazil y otronan pariba di brug.

*Parlamentario Endy Croes(MEP):*

## ‘A entrega un mocion pa pone un ‘cruz’ grandi riba cero di Hooiberg y desaroya esaki’

**ORANJESTAD - Parla-mentario Endy Croes diahuebs ultimo durante tratamento di ley TPEF, esta Tourism Product Enhancement Fund cual ta destina pa embeyece e producto Aruba a entrega un deseo basa riba un mocion.**

Endy Croes a splica cu lo ta na su luga pa e minister encarga Dangui Oduber(MEP) planea den 2019 pa desaroya tanto e cero di Hooiberg y alrededor haciendo esaki un atraccion turistico unda tournan por para, subi dicho cero y pone kiosco y kisas restaurant etc. rond di dje. Claro lo mester drecha e trapinan y kisas ken sa den futuro hasta un teleferico.

Parlamentario Endy Croes ta di pensamiento cu Hooiberg ta un bunita area pa desaroya. Bin cu plannan concreto pa nos por logra esaki. No solamente Hooiberg, pero Croes

a splica cu desde Urataka Center bay ariba e caminda aki mester wordo drecha y renoba drentando Picaron, San Fuego etc. Parlamentario a splica den parlamento cu esaki ta un caminda masha trafica pa entre otro turista y sigur e habitantenan di e bario aki tambe tin derecho pa yega na beurt.

Minister Oduber a tuma nota y den su contesta a afirma cu e lo hiba esaki y lo traha riba nan pa 2019 tanto Hooiberg y e caminda di Urataka Center bay ariba lo bay ta den plan. Asina tin basta punto mas cu a debati riba dje di cual durante siman entrante lo bay splica riba cada un di esakinnan.

Parlamentario Endy Croes a splica durante reunion publico cu ta hustamente e bon momento pa trece esakinan como cu nan ta keda graba y pueblo por tuma nota cu bo ta eherciendo bo trabao como Parlamentario.







“Señor ta mi wardador, mi’n tin falta di nada  
Den cunucu di yerba berde e ta ponemi sosega.  
E ta hibami na awa trankil,  
Pa mi bolbe haña forsa”.  
Salmo: 23

Cu profundo tristeza na nos curason, pero conforme  
boluntad di Dios nos ta anuncia e sosiego eterno di nos  
ruman, omo, padrino y primo:



### Marciano Francisco Boekhoudt

Mihor conoci como ‘Chani’  
\*09-03-1967 - †14-08-2018

#### Na nomber di su rumanan:

Modesto i Maria Boekhoudt-Sanchez i yiunan  
Martin Boekhoudt i yiunan  
Elio i Ludwina Boekhoudt-Koolman i yiunan  
Lucia i Boysie Geerman-Boekhoudt i yiunan  
Gladys Boekhoudt i yiu  
Gilbert i Yira Boekhoudt-Pedroza i yiunan

#### Su subrino(a) nan:

Roel, Clifford i Anamaria Boekhoudt  
Giovanni i Lisette Geerman-Gomes i yiunan  
Angelique Geerman i Rodney Kelly i yiunan  
Lugelca Geerman i Alex da Silva Menezes i yiunan  
Lisandra i Lixienne Boekhoudt  
Giandra i Gilliani Boekhoudt i Benjamin di Filipino i famia  
Brandon Boekhoudt  
Moises Sanchez

#### Sobra sobrino(a) nan:

Shaqion, Shulaika, Shandrick, Xiara, AJ, Alixienne, Khloë,  
Giovanni.  
Su omo i tantanan  
Su iha: Angelique Geerman

**Esun nan ku e la stima manera ruman:** Graciela, Ramona,  
Kaon, Maria, Mena, Loy, Oecha i Mai.

**Su primo i primanan mucho hopi pa menciona pero  
semper e la aprecia tur.**

**Esun nan ku e la stima manera un tata i un mama:** sr.  
Francisco i sra Lourdes Croes-Figaroa

**Su bon amigo:** Eugene Kelly

**Su coleganan di CEA, Su coleganan di team di futbol:**  
**Centro Deportivo Ayo i Sporting**  
**Su bon amigonan di Tipico Los Campesinos**

**I demas famia:** Boekhoudt-Kelly-Geerman-Koolman-  
Pedroza-Sanchez-Martijn-Kock-da Silva Menezes-di Filipino-  
Gomes-Lopez-Navas-Croes-Werleman-Thiel-Schwengle-  
Vrolijk-Zievinger-Ras

Ta invita tur bisiña, amigonan, coleganan i conocirnan pa  
asisti na acto di entierro dialuna 20 di augustus 2018.  
Difunto lo ta reposa den misa Santa Filomena na Paradera for  
di 2or te ku 4or di atardi. Dia pa condoleer famia lo ta diasabra  
18 augustus 2018 pa 7or te 9or di anochi na Aurora Funeral  
Home na Cumana.  
Lo tin un box disponibel pa donacion pa Wilhelmina  
Kankerfonds.  
Nos ta pidi nos disculpa ku si den nos dolor nos por a lubida  
un familiar of conocir.

## Rifa di Comash y Colegio San Hose

**Colegio San Hose / COMASH**  
**ta rifa**

1. AWG 4000,- CASH	7. Dinner for two Faro Blanco Restaurant
2. AWG 1000,- CASH	8. Dinner & Show for two Barceló Aruba
3. AWG 500,- CASH <small>cortesia di Wing Kee Supermarket</small>	9. Giselle Boutique Giftbon AWG 200,- <small>cortesia di Giselle Boutique</small>
4. Celular Samsung Galaxy J2 Prime <small>cortesia di Crown</small>	10. Brunch La Vista Restaurant <small>cortesia di Marriott Hotel</small>
5. Superfood Giftbon AWG 250,- <small>cortesia di Superfood</small>	11. LOGIC 7" Tablet WIFI Android <small>cortesia di SAMS</small>
6. WEB N.V. Giftbon AWG 250,- <small>cortesia di WEB Aruba N.V.</small>	12. De Wit Giftbon AWG 100,- <small>cortesia di De Wit/Van Dorp</small>

Sorteo: 24 november 2018 via tombola entre 5:00-7:00 pm  
di atardi den presencia di notario.  
Donacion: AWG 5,-

**Por tuma contacto cu scol na 5858125.**  
**Tambe serca miembronan**  
**di Comash na 5924931 jenny of 5931929 analia.**

**ORANJESTAD - Co-**  
**mash hunto cu scol Co-**  
**legio San Hose kier de-**  
**sea tur maestro- y mae-**  
**stranan y studiantenan**  
**na Aruba hopi exito pa e**  
**aña escolar 2018 - 2019.**

Nos di Comash tin hopi plan  
y deseo pa nos scol pero pa  
cu esaki nos mester fondo.  
Nos ta un solo famia di scol  
cu ta traha na bienestar di  
nos yiunan y boso yiunan.  
Dia 24 di november 2018

lo ta e sorteo di nos rifa,  
den presencia di notario.  
Pa solamente afl 5 bo por gana  
un di 12 tremendo premi-  
onan cu nos tin. Nos prome  
premio ta afl 4000.00 cash.

Danki na e siguiente com-  
erciantenan cu a aporta na  
nos rifa. Danki na: Print-  
shop, De Witt & Van Dorp,  
Setar, Barcelo,Marriott,  
Subway, Web, Sam's by  
Manolo,Crown Aru-  
ba, Giselle Department

Store, Office Systems,Faro  
Blanco Restaurant,  
Weng Kee Super-  
market, Superfood.  
Tur mayor di nos scol tin buki  
di rifa. Kiermen si bo conoce  
algun alumno di nos scol  
tuma contacto cu su mayor.  
Si bo persona mester ticket of  
buki completo por yama scol  
mes na 5858125 of miembro  
di Comash na 5924931 Jenny  
of 5931929 Analia. Like nos  
facebook page di Comash pa  
keda informa.



Ta anuncia fayecimento di:

## Sr. Marciano Francisco Boekhoudt

Ruman di nos colega  
Martin Boekhoudt

**Asistente di Press Department.**

Nos ta extende nos mas profundo palabra di condolencia  
na nos colega Martin y demas famia.

Cu Sr. Marciano sosega na paz.







“Señor ta mi wardador, mi’n tin falta di nada  
Den cunucu di yerba berde e ta ponemi sosega.  
E ta hibami na awa trankil,  
Pa mi bolbe haña forsa”.  
Salmo: 23

Nos ta anuncia fayecimento di:



**Maria Maduro-Lampe**

\*27-05-1909 - †16-08-2018

Acto di entierro lo wordo anuncia despues.

Nos ta lamenta cu nos no por ricibi bishita di  
condolencia na cas.

Acto di entierro lo wordo anuncia despues.



*“Even though I walk through the  
Darkest valley, I will fear no evil,  
For you are with me”  
Psalm 23:4*

With deep sorrow we announce the passing away of:



**Arion Estonia Canngieter**

Sunrise: 1<sup>st</sup> February 1942

Sunset: 7<sup>th</sup> August 2018

The funeral service will take place on Thursday 23 August, 2018 at Ad Patres Funeral Home from 2:00 pm to 4:00 pm and from there to the catholic Burial Ground in San Nicolas.

Opportunity for condolences will be on Wednesday 22 August 2018 from 7.00 p.m. to 9.00 p.m. at Ad Patres Funeral home.

Staff and Management of Ad Patres funeral home extend their most sincere condolences to the family.  
Condolences can be sent through our e-mail address or website  
[www.adpatres.webs.com](http://www.adpatres.webs.com)



“Señor ta mi wardador, mi’n tin falta di nada  
Den cunucu di yerba berde e ta ponemi sosega.  
E ta hibami na awa trankil,  
Pa mi bolbe haña forsa”.  
Salmo: 23

Cu inmenso tristesa na nos curason nos ta  
participa fayecimento di:



**Praxedes de Mey-Kelly**

mihor conoci como ‘Gracy’

\*21-07-1945 – †16-08-2018

Na number di su

Yiunan: Charissa Kock  
Reginaldo Kock

Nieto(a)nan: Jerven Delle, Anthionne Kock,  
Gionn Leo, Melany Kock, Alexander Kock.

Su ruman: Hydee de Mey (Sisi)

Yiunan di criansa:  
Silvia Kock, Rudolf Kock, Robert Kock.  
Manera yiu; Randy Hernandez  
Sobrinanan: Esther y Jos Kelkboom-Thijssen y  
yiunan  
Shareen y Alfred van Hutten-de Mey y yiunan  
Sobrinonan: Francis de Mey y Miriam  
Milton y Erica Thijzen y yiu

Su iha: Marcia Paskel

Primanen y primonan comer y compernan, su Bon  
bisiñanan di Cas amigo amiganan .

Demas famianan : Kelly, de Mey, Kock, Thijzen,  
Erasmus, Camacho, Henriquez, Croes, van Hutten,  
Kelkboom, Tepedino, Thiel, Koolman.

Condolencia lo tuma lugar dialuna 20 di augustus  
2018 na Aurora funeral Home di 7or pa 9 or

Acto di entierro lo tuma lugar diamars 21 augustus  
2018, nos difunto stima lo ta reposa di 2or pa 4 or  
na misa sagrado Curazon na Savaneta pa despues  
pa santana católica na Savaneta.

Disculpa nos si den nos tristeza nos por a lubida  
algun famia of conocir.  
Nos ta lamenta cu despues di intiero nos no por  
ricibi bisita di Condolencia.

Enbes di krans of flor por hasi un donación na  
Wilhelmina Kankerfonds lo tin un box pa esaki den  
misa.



Van Rensselaerstraat 2  
Tel. 584-2299 - 7372299  
Family owned and operated  
Since 1997

“Señor ta mi wardador,  
mi n’tin falta di nada;  
Den cunucu di yerba berde,  
E ta ponemi sosega.  
E ta hibami na awa trankil,  
pa mi bolbe hanja forsa. Salmo 23:1,2,3.

Cu inmenso dolor na nos curason, nos ta anuncia  
fayecimento di:



**Leopoldina Zuniga**

Cariñosamente yama: ‘Pola’

\*25-07-1925 † 15-08-2018

Na number di su:

**Yiunan:** Lucy Varela-Zuniga  
†George Zuniga  
Stella Calderon-Zuniga y esposo

**Nieto(a)nan:** Angelica Poterson  
Victor Hugo Poterson y esposa  
Rudy Poterson  
Johannes Poterson  
Johana Poterson  
Javier Hernan Calderon  
Ronny Poterson  
Daniela Poterson

**Bisanieta(a)nan:** Elijt Poterson, Jaihro Poterson  
Kethlyn Poterson, Ferika Poterson

Si en caso den nos tristeza nos por a lubida algún  
persona of famia, nos ta pidi nos mas sincero  
disculpa.

Acto di entierro ta tuma lugar diamars 21 augustus  
2018 pa 4or di atardi na Ad Patres Funeral Home y  
despues saliendo pa Santana Central na Sabana  
Basora. Nos defunto stima lo ta reposa for di 2or di  
atardi na Ad Patres.

Staff y personal di Ad Patres funeral home ta extende  
nos mas sincero condolencia na famia di e fayecida.  
Condolencia por wordomanda riba nos website:  
[adpatresnv@hotmail.com](mailto:adpatresnv@hotmail.com)



**NO CONTRIBUI CU E CIFRA DI VICTIMA  
DEN ACCIDENTE DI TRAFICO**

**Pone bon TINO  
ora bo ta STUUR**







Paardenbaaistraat 10, Oranjestad, Aruba Tel.: (297) 525 - 7555  
www.lottoaruba.com  
Resultado di Sorteo 19 Aug 2018 Merdia

<b>CATACHI</b>
Sorteo # 2304
<b>8000</b>
<b>8183</b>
<b>3562</b>
<b>BIG 4</b>
Sorteo # 2304
<b>8091</b>
<b>1OFF</b>
Sorteo # 360
<b>8548</b>
<b>ZODIAC</b>
Sorteo # 2304
<b>2189</b>
<b>Capricornio</b>

<b>LOTTO 5</b>	
Sorteo #	Joker Letter
0x Jackpot	
0x Match 4+	
0x Match 4	
0x Afl. 12,00	
<b>725.000,-</b>	
<b>LOTTO DI DIA</b>	
Sorteo # 4504	Proximo Jackpot
0x Jackpot	
0x Match 4	
80x Afl. 8,00	
<b>62.000,-</b>	
<b>MEGA</b>	
Sorteo #	Mega Ball
0x Jackpot	
0x match 4	
0x Afl. 500,00	
0x Afl 50,00	
0x Afl.15,00	
<b>280.000,-</b>	
<b>MEGA PLUS</b>	
<b>Afl. 380.000,-</b>	

Bo cadena di number di suerte  
ta presenta resultado di awe

18 augustus 2018	19 augustus 2018
<b>DIARIO</b> 7593-4407-0326	<b>DIARIO</b> 2487-7716-6950
18 augustus 2018	19 augustus 2018
<b>SUPER</b> 9628	<b>SUPER</b> 6842
<b>4</b>	<b>4</b>
19 augustus 2018	
<b>Sto. Domingo</b> 3496-6874-2240	

18 augustus 2018	19 augustus 2018
<b>FLAMINGO</b> 6232-2478-2902	<b>FLAMINGO</b> 8048-3364-4242



Paardenbaaistraat 10, Oranjestad, Aruba Tel.: (297) 525 - 7555  
www.lottoaruba.com  
Resultado di Sorteo 18 Aug 2018 Anochi

<b>CATACHI</b>
Sorteo # 6559
<b>6741</b>
<b>6541</b>
<b>2934</b>
<b>BIG 4</b>
Sorteo # 5603
<b>5030</b>
<b>1OFF</b>
Sorteo # 308
<b>1579</b>
<b>ZODIAC</b>
Sorteo # 4362
<b>8765</b>
<b>Piscis</b>
<b>KORSOU</b>
Sorteo # 2150
<b>3867</b>
<b>1557</b>
<b>1054</b>

<b>LOTTO 5</b>	
Sorteo # 1925	Joker 33 Letter F
0x Jackpot	
0x Match 4+	
19x Match 4	
491x Afl. 12,00	
<b>725.000,-</b>	
<b>LOTTO DI DIA</b>	
Sorteo # 4503	Proximo Jackpot
0x Jackpot	
2x Match 4	
121x Afl. 8,00	
<b>61.000,-</b>	
<b>MEGA</b>	
Sorteo #	Mega Ball
0x Jackpot	
0x match 4	
0x Afl. 500,00	
0x Afl 50,00	
0x Afl.15,00	
<b>280.000,-</b>	
<b>MEGA PLUS</b>	
<b>Afl. 380.000,-</b>	



## Aries

Luna ta den bo elemento activo di e parti entusiasma y aventurero di bo bida. Durante e dia di awe hopi cos cu bo a soña lo materialisa. Lo aproxima momentonan importante. Number: 19, 21, 32 46.



## Tauro

Lo bay tin un eclipse di luna. Bo experiencia y intuicion lo indicado loke bo mester haci. Sea prudente na ora di expresa bo opinion y sentimentonan y evita papia di mas. Number: 18, 20, 22 36.



## Geminis

Cuida e detayenan di e dia aki. Kendenan stima bo lo sa di aprecia esakinan. Hopi biaha ta e cosnan chikito ta haci cu amor ta florece y ta mantene e entusiasmo. Number: 16, 24, 36 44.



## Cancer

Eclipse di luna ta duna bida na oportunidadnan nobo. Luna ta den transito door di e elemento di candela, precisamente e weekend aki cu ta inspira bo. Number: 4, 17, 25 35.



## Leo

No solamente mester sa con pa papia. Ta hopi importante scucha. E ciclo cu a cuminsa cu e eclipse di luna por causa un exceso di entusiasmo y haci bo mira amor caminda e no t'ey mas. Number: 16, 22, 34 45.



## Virgo

E eclipse di luna den bo bida, lo habri un caminda diferente yena cu amor. Ora cu aclaria e puntonan cu ta haci bo inkieto, bo lo bo mira con bo bida sentimental lo cana. Number: 7, 18, 23 35.



## Libra

E eclipse di luna ta loke bo tabata spera y lo materialisa pronto. E di dos eclipse di luna di e aña aki lo trece y tur cos cu ta pone bo pensa, reflexiona y actua. Lo bo haya un sorpresa. Number: 18, 23, 27 31.



## Scorpio

Bo horizonte sentimental lo enrikece. Biba bo fantasia, pero cu persuasion pa no complica bo bida e ciclo aki. Awo bo horizonte nan sentimental lo enrikece. Number: 19, 23, 30 41.



## Sagitario

Un ilusion di pasado lo renace. E energia di luna den bo sino lo yuda descubri interesnan. E aspecto feliz aki lo contribui pa bo sinti bo mes cu mas sigur na momento di tuma cualkier decision Number: 2, 11, 22 35.



## Capricornio

Tuma iniciativa y no sigui warda. Pone bo creatividad y imaginacion funciona pa haci algo diferente awe nochi. Sigui bo impulsanan intuitivo, pero cu bo sentido comun. Number: 10, 24, 37 40.



## Aquario

Lo bo bay tin un espacio di tempo pa biba. Ta ora di scucha y no di yega na conclusionnan sin scucha splicacion. Controla bo mes prome cu husga, atende cu e persona ey. Number: 19, 23, 45 54.



## Pisces

Lo bo wordo inspira pa haci algo nobo den bo bida intimo. Cu e cosmico procedente di e eclipse luga, lo bo sinti bo mes inspira cu diferente cos den bo bida. Number: 3, 11, 22 31.





### Cas Di Cultura

Vondellaan 2 Aruba  
297-582-1010

### F A D A

Campanastraat 5 Aruba  
297-583-2999  
297-583-9610

### F A V I

Primavera 233 Aruba  
297-582-5051  
297-582-5222

### F E P O

Engelandstraat 15 Aruba  
297-583-1016  
297-583-6607

**Fundacion Hende  
Muhe den dificultad**  
Tel: 583-5400

**Fundacion Autismo  
Aruba**

Irenestraat 21 Aruba  
297-588-1179

**Fundacion Pa Nos  
Muchanan**

Cumana 2 Aruba  
297-583-4247

**Fundacion Tel Pa  
Hubentud**

Wilhelminastraat 19  
Aruba

297-588-6138

**Koningin Wilhelmina  
Fonds**

Spinozastraat 9 Aruba  
297-582-0412

**Mary Joan Foundation**  
Sabana Blanco 8 Aruba

297-588-9999

**Ned Rode Kruis**

Perdo Gallegostraat 14  
Aruba

297-588-3376

**Famia Planea (SBVO)**

Avenida Milio J Croes 17

B Aruba

297-588-9591

www.famiaplanea.org  
famiaplanea@hotmail.  
com

**Stichting Fundacion  
Guia Mi**

George Madurostraat 34  
297-582-0088

**Y M C A**

Calbasstraat 1 Aruba  
297-582-3072

**AL-ANON group**

Sabana Liber #8, Noord  
(close to the hotels)

Tel: 736-2952 or  
593-7081

**A1 Taxi Services Aruba**

Italietraat 50 lokaal 7

Tel: 587-8850

Tel: 280-2828

Whatsapp: 592-7024

E-mail: altaxiservices.

aruba@hotmail.com

**Mobility Equipment  
Hire**

Tel: 568 5165



## Dokter na warda

**Oranjestad**  
Dr. Angela  
Tel. 583 9669

**San Nicolas**  
Dr. Every  
Tel. 584 4484

## Botica na warda

**Oranjestad:** Centro Medico Tel. 583 4208  
**San Nicolas** Tel. 584 5794

## SERVICIO DI TAXI

Aruba Transfer Tour & Taxi C.A.  
Pos Abao #41  
P.O.Box 723 Aruba  
Tel: 582-2116 / 582-2010  
Fax: 583-6988  
Taxi Adres Service (24h)  
L.G. Smith Blvd. #234  
Oranjestad Aruba  
Tel: 587-5900  
Fax: 587-1928  
E-Mail: tas@setarnet.aw



## Schedule augustus 2018

			AME	DEPT	MENTH
THU	16	CARNIVAL VISTA	08:00	16:00	C
SUN	19	FREEWINDS - DEPT.	****	23.15	E
WED	22	MONARCH	06.00	15.30	B
		FREEDOM OF THE SEAS	06.30	23.00	C
		FREEWINDS	06.00	****	E
SUN	26	FREEWINDS - DEPT.	****	23.15	E
WED	29	CELEBRITY EQUINOX	08.00	23.59	C
		MONARCH	08.00	15.30	B
		FREEWINDS	06.00	****	E
THU	30	CARNIVAL VISTA	08:00	16:00	C

## EMERGENCIA

911

POLIS	
Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
San Nicolas	584-5712
Santa Anna	586-8181
Santa Cruz	585-8028
Sero Preto	584-4833
Trupial	583-8560

## UTILIDAD

Setar	117
Web	525-4600
Elmar	523-7147

## FUNERARIA

Aurora	588-6699
Ad Patres	584-2299
Olive Tree	584-8888
Royal Funeral H.	586-4444

## Centrale Bank van Aruba Daily Exchange Rates - 08/17/2018



CENTRALE BANK VAN ARUBA

Currency <sup>1</sup>	Buying from Public <sup>2</sup>	Buying from Public <sup>3</sup>	Selling to Public
ANG	98.00	100.00	100.20
ANG1 <sup>4</sup>	-	-	100.00
USD	1.77	1.78	1.80
CAD	1.33	1.35	1.37
CHF	178.63	179.35	180.15
GBP	2.20	2.25	2.31
JPY	159.78	161.24	162.86
EUR	201.08	202.92	204.95
DKK	26.23	26.95	27.75
NOK	19.96	20.68	21.48
SEK	18.32	19.04	19.84

For amounts up to Afl. 100,000



## CineAruba ta presenta 'Ciudad Oraño'

**ORANJESTAD - Cera conoci cu: Laurenne Croes. Laurenne tin 17 aña di edad. E ta estudiante di economia na EPI. Su pasatemponan favorito ta: canta, actua y e ta gusta baila masha hopi mes.**

Con Laurenne a yega na haya un rol den Ciudad Oraño? Na aña 2015 el a join 'Into Acting Youth Club' bou direccion di Juan Fransisco Pardo. Aki nan tabata tin diferente casting pa diferente rol y asina el a keda scogi pa un rol den Ciudad Oraño. E rol den Ciudad Oraño ta su



promue biaha cu e ta actua.

E rol cu Laurenne tin ta di un mucha muhe jong sin experiencia. E ta confronta loke

e hubentud ta biba awendia. Asina tambe e mucha muhe a bira rebelde y constantemente ta enfrenta problema

na cas cu su mayornan. E no tabata un rol facil pero cu e bon guia y instruccionnan cu e tabata haya di e productor y director Juan Fransisco Pardo, e ta pensa cu el a haci'e e miho posibel.

Un parti dificil tabata ta ora e tabata ta den un escena cu e mester yora y cu e tristesa riba su cara mester keda muestra real. Pa Laurenne e tabata un gran experiencia na unda cu el a siña cu bo mester tin hopi disciplina pa bo logra bo meta. Lo cual el a gusta ta e momentonan cu nan a comparti grabando e produccion

aki. Tabata momentonan dibertido y inolvidabel.

E storia di Ciudad Oraño ta un storia basa riba diferente problemanan cu hubentud ta confronta cu ne awendia. E ta un storia educativo y tambe e ta pa conscientisa mayornan con pa atende cu nan yiunan den diferente situacion.

Di parti di Laurenne Croes, e ta invita un y tur pa yega diasabra 1 September pa 7pm na Crystal Theater pa e estreno. Lo ta den un forma hopi special 'Gala Di Tapijt Cora' y pa asina tambe duna elogio na tur participantenan di Ciudad Oraño.

## E señora di tur pueblo na Aruba

**ORANJESTAD - Tur aña ta tuma luga na diferente parti di mundo un dia di oracion na honor di e Señora di tur Pueblo. E dianan mariano aki tin nan origen den e aparicionnan di Mama Maria den añanan 1945 te 1959 na Amsterdam na un hende muhe senciyo di nomber Ida Peerdeman.**

Birgen Maria a revela na Ida cu e kier ta conoci y stima pa tur hende como 'e Señora di tur pueblo' of 'e Mama di tur pueblo. Den su mensahenan e Señora di tur pueblo ta revela e plan, cu cual Dios kier salba mundo pa medio di Su Mama. Pa enfatisa esaki Maria ta duna tur pueblo y nacion un oracion y un ima-

gen.

E imagen ta representa e Señora di tur pueblo, ilumina pa e luz radiante di Dios, para riba e globo dilanti di e cruz di su Yiu, E Salvador, cu Kende e ta inseparablemente uni. For di mannan di Maria ta sali tres rayo di gracia, salvacion y paz, cu Maria por parti na tur esnan cu ta pidi'e pa e ta nan abogado. E trupa di carne ta representa e pueblonan di mundo, cu lo no haya tranquilidad te ora cu nan hisa nan cara mira e cruz, e centro di mundo.

E Señora di tur pueblo a dicta un oracion cortico y poderoso pa preserva nos di degeneracion, desaster y guerra. "Boso, pueblonan di e tempo aki, sa cu boso ta bou di

proteccion di e Señora di tur Pueblo. Invoc'e como boso abogado, pidi'e pa desvia tur desaster. Pidi'e pa deporta e degeneracion for di e mundo aki. Ta for di degeneracion ta bini desaster. Ta for di degeneracion ta bini guerra. Pa medio di mi oracion boso lo pidi pa desvia esaki for di mundo. Boso no sa con grandi y con importante e oracion aki ta cerca Dios." (mensahe di dia 31 di mei 1955)

Despues di a consulta cu e Congregacion di Doctrina di Fe na Vaticano; mgr. Bomers cu e tempo ey tabata e Obispo di Haarlem-Amsterdam, hunto cu su Obispo Auxiliar mgr. Punt a duna permiso na aña 1996 pa e veneracion publicamente di Santa Bir-

gen Maria bou di e titulo: 'e Señora di tur pueblo'. Na aña 2002 e obispo actual di Haarlem-Amsterdam, mgr. Punt a skirbi cu e ta convenci di e origen sobrenatural di e aparicionnan.

En conexcion cu e accion mundial di e Señora di tur Pueblo lo bay tuma luga un dia di oracion dia 8 di september proximo na misa Inmaculada Concepcion na Santa Cruz. Como preparacion pa e dia grandi aki lo bay tin un nobena cu ta cuminsa dia 30 di augustus te cu dia 7 di september na e diferente parokianan di Aruba. Henter pueblo di Aruba ta keda cordialmente invita pa asisti na e nobena y e dia di oracion na honor di e Señora

di tur pueblo. Laga nos tur bini hunto rond di su imagen pa resa pa paz den nos curason, den nos famia, pa paz na Aruba y pa henter mundo. Asina nos ta cumpli cu un deseo di e Mama di Dios cu ta bisa den su mensahenan: "Lo bo percura pa cada aña e pueblonan lo reuni rond di e imagen aki. Esaki ta e regalo grandi cu Maria, e Señora, e Mama di tur Pueblo kier ofrece na tur pueblo di mundo". (31 di mei 1955)

Den e dianan cu ta bini lo trece mas informacion di e dianan di nobena den e parokianan y como tambe di e Dia di Oracion.

## Dia 27 di augustus ta start e campaña pa yena formulario inkomstenbelasting 2017

**ORANJESTAD - Departamento di Impuesto ta informa su clientenan cu dia 27 di augustus proximo lo start cu e campaña pa yena e formulario di declaracion di inkomstenbelasting 2017.**

E clientenan cu tin dificultad pa yena e formulario por acudi libremente na un di e sitionan unda e personal di Departamento di Impuesto lo ta cla pa brinda ayudo. E campaña aki tin un duracion di un siman y no tin mester

di haci un cita.

Kendenan por participa?

1. Tur persona soltero cu tin un entrada bruto di no mas cu Afl. 75.000. 2. Tur persona casa cu - hunto - tin un entrada bruto di no mas cu Afl. 150.000

Ta importante pa tene na cuenta cu no por brinda ayudo na esunnan cu tin un empresa propio of cu ta traha riba nan mes.

Na unda lo brinda ayudo?

27 di augustus 2018 MFA Noord 8:00am - 4:00pm nonstop

28 di augustus 2018 MFA Savaneta 8:00am - 4:00pm nonstop

29 di augustus 2018 Teresita Center San Nicolas 8:00am - 4:00pm nonstop

30 di augustus 2018 MFA Paradera 8:00am - 4:00pm nonstop

31 di augustus 2018 Biblioteca Nacional Oranjestad 8:00am - 4:00pm nonstop

Trece documento Departamento di Impuesto ta pidi su clientenan pa trece e formulario di declaracion di aña 2017 hunto cu tur com-

probante necesario relaciona cu entrada y gasto, tanto na Aruba como den exterior. Alabes ta importante pa duna e datonan personal di e pareha casa y e yiunan

Despues cu caba di yena e declaracion e cliente por entrega esaki mesora y lo ricibi un comprobante. E clientenan cu nan mes a yena e declaracion por pasa entrega esaki na un di e sitionan di ayudo durante e dianan di ayudo Conforme ley, e ultimo dia pa entrega e declaracion di inkomstenbelasting 2017

ta 3 di september 2018. Pa e clientenan cu no ta alcanza pa entrega nan declaracion pa e fecha aki, automaticamente Departamento di Impuesto ta prolonga e termino cu 3 luna mas. Den e caso aki e fecha final ta bira 3 di december 2018. Despues di e fecha aki no lo duna mas prolongacion di termino.

Por sigui e pagina di Facebook di Departamento di Impuesto pa keda bon informa na tur momento. <https://www.facebook.com/impuestoaruba/>



*Minister Evelyn Wever-Croes:*

## ‘Aruba semper lo ta cla pa yuda islanan ruman’

**ORANJESTAD** – Awe y mañan prome minister di Sint Maarten, Leona Marlin-Romeo, di Corsou Eugene Rhuggenaath y di Aruba Evelyn Wever-Croes lo reuni riba e tema ‘E cooperacion di e paisnan na momento di calamidad’.

Esaki ta pa wak na unda nan lo duna un reflexion riba e cooperacion di aña pasa na e momento cu Orcan Irma a asota Sint Maarten. Tambe lo elabora riba kico nos por siña

di e calamidad ey. Esaki ta segun e comunicado cu nos a ricibi di gobierno.

Di parti di Aruba, prome minister Evelyn Wever-Croes lo enfatisa cu Aruba semper lo ta para cla pa yuda e islanan ruman a pesar cu Aruba mes tin su retonan. Nos ta poniendo man na obra pa atende cu tur reto di nos pais y ta prepara pa cualkier eventualidad. Den cuadro di esaki, prome minister ta enfatisa cu e reunionnan aki na Corsou ta di sumo importancia.



## Advertorial

### Goddard Catering Group Aruba/ Calloway Corporation a tuma over e cantinenan di Colegio Arubano Oranjestad



Caribbean Cinemas		
MEGAPLEX 8		
caribbeancinemas.com   Caribbean Cinemas Aruba		
AUGUST 16 - 22		
	<b>MILE 22</b> <small>WITH SPANISH SUBTITLES</small> <small>PG-13</small> MONTHU 5:15   7:25   9:35 FRI 5:15   7:25   9:35   11:45 SAT 3:05   5:15   7:25   9:35   11:45 SUN & HOL 3:05   5:15   7:25   9:35	
	<b>ALPHA</b> <small>WITH SPANISH SUBTITLES</small> <small>PG-13</small> MONTHU 4:45   7:00   9:15 FRI 4:45   7:00   9:15   11:30 SAT 2:30   4:45   7:00   9:15   11:30 SUN & HOL 2:30   4:45   7:00   9:15	
	<b>MEG</b> <small>WITH SPANISH SUBTITLES</small> <small>PG-13</small> MONTHU 4:25   6:55   9:25 FRI 4:25   6:55   9:25   11:55 SAT 1:55   4:25   6:55   9:25   11:55 SUN & HOL 1:55   4:25   6:55   9:25	
	<b>SLENDER MAN</b> <small>WITH SPANISH SUBTITLES</small> <small>PG-13</small> MONTHU & SUN 9:30 FRI-SAT 9:30   11:40	
<b>Christopher Robin</b> <small>WITH SPANISH SUBTITLES</small> <small>PG</small> MONTHU 4:20   6:40   9:00 FRI 4:20   6:40   9:00   11:20 SAT 2:00   4:20   6:40   9:00   11:20 SUN & HOL 2:00   4:20   6:40   9:00	<b>SPY WHO DUMPED ME</b> <small>WITH SPANISH SUBTITLES</small> <small>PG</small> MONTHU & SUN 4:35   9:20 FRI-SAT 4:35   9:20   11:50	<b>SKYSCRAPER</b> <small>WITH SPANISH SUBTITLES</small> <small>PG-13</small> MON-FRI 7:05 SAT-SUN 2:20   7:05
<b>MISSION: IMPOSSIBLE FALLOUT</b> <small>WITH SPANISH SUBTITLES</small> <small>PG-13</small> MON-FRI 6:00   9:05 SAT-SUN 2:55   6:00   9:05	<b>HOTEL TRANSILANIA</b> <small>WITH SPANISH SUBTITLES</small> <small>PG</small> MON-FRI 5:10   7:20 SAT & SUN 3:00   5:10   7:20	<b>SKYSCRAPER</b> <small>WITH SPANISH SUBTITLES</small> <small>PG-13</small> MON-FRI 7:05 SAT-SUN 2:20   7:05

STARTING AUGUST 23: CRAZY RICH ASIANS, THE HAPPYTIME MURDERS

Palm Beach Plaza Aruba | 586.0074 | THE MAGIC OF THE MOVIES ON YOUR MOBILE DEVICE

Download on the App Store | GET IT ON Google Play



**ORANJESTAD** -E studiantenan di Colegio Arubano Oranjestad a keda hopi contento, ora cu riba nan prome dia di aña escolar nan a keda sorprendi cu e cantinenan nobo.



por brinda no solamente un luga mas bunita visualmente, pero tambe ta ofrece un variacion grandi di productonan pa e studiantenan di scol. Prijsnan hopi atractivo y opcionnan saludabel ta entre otro e cambianan cu a ser refleha den e cantinenan nobo. Goddard ta ofrece opcionnan fresco y hopi saludabel, caminda ta resalta e importancia di cambia e cultura di cumindanan na scol cu opcionnan manera: salada di fruta, yoghurt, wraps, salada di berdura etc. Tur esaki sin cu e prijs mester bira un obstaculo pa e hobennan. Un team dinamico y cu hopi entusiasmo y esfuerso tawata e ingrediente clave pa Goddard Catering Group a logra sorprende e studiantenan.

Goddard ta un compania di trayectoria amplio y cu hopi experiencia den servicio pa aerolineanan. P'esey a tuma e reto aki cu hopi confianza, pa asina por ofrece cuminda cu miho standard nan di calidad pa e studiantenan.

Goddard su filosofia ta enfoca riba un cultura mas consciente cu nos medio ambiente y ta move den e direccion di "Environmental Green" y a la bes ta motiva e nutricion ideal pa nos muchanan. Goddard a di keda satisfecho cu e tremendo acogida di e studiantenan Goddard su team, kier expresa su gratitud na e studiantenan y ta desea nan tur clase di exito pa cu aña escolar 2018-2019.



*Minister Andin Bikker:*

## ‘Ningun momento a pone presion pa no mete cu trahadonan di e compania Fast Delivery’

**ORANJESTAD - Durante weekend cu a pasa tabata tin basta conmocion riba rednan social despues cu personal di Guarda Nos Costa (GNC) a bay haci un control na e compania Fast Delivery. Un total di shete (7) persona a ser hiba pa falta di documento, entre nan e propietario di e compania. A surgi un discusion despues cu medionan a publica cu e minister lo a pone presion pa no perhudica e compania aki, kende segun varios comentario cu nos a tuma nota di dje (y minister no a nenga esaki), ta trata di un patrocinado di partido POR, di cual e minister ta forma parti di dje.**

Segun e minister di husticia Andin Bikker (POR), for di tempo cu el a asumi responsabilidad como minister di husticia y integridad a pone man duro pa tin control riba esunnan cu ta viola ley di

LTU. “Door di e situacion na pais Venezuela unda cu hopi ciudadano ta subi boto yega Aruba of otro islanan den Caribe, e control di Guarda nos Costa a bira mas severo cu nunca.”

“Diabierna atardi e funcionarionan di GNC a bay haci control y e bialha aki na e compania Fast Delivery. For di e luga aki a bay cu varios trahado cu na e momento ey no por a mostra documento cu nan tin permiso pa traha. Doño di e compania D.H. tambe a compaña su trahadonan den bus pa Warda nos Costa unda el a papia cu e hefe riba e situacion cu a presenta. Un conversion den cual no tabatin ningun discusion riba control cu funcionarionan di Warda nos Costa a bay haci pero kico por haci pa esunnan cu si tin nan papel. Tur persona cu a yega Guarda Nos Costa y tin papel, mester a manda busca esaki y despues di control nan por a sali sin



ningun problema. Contrario na publicacion haci via 24ora.com hefe di Guarda Nos Costa Trudy Hassell a desmenti cu el a haya instruccion di minister Andin Bikker pa no mete cu e compania aki. E control aki ta wordo haci na tur compania, pa mira si tur hende tin nan papelnan na ordo y asina cumpli cu ley di LTU”, e minister ta bisa den un comunicado.

For di hopi tempo no tabatin control severo riba hende ilegal pero cu maneho nobo, minister Bikker kier mira bek tranquilidad y siguridad pa henter Aruba y cu tur hende tanto doño di trabou como esunnan cu kier bin traha na Aruba cumpli cabalmente cu ley di LTU, segun e comunicado.

Doño di e compania Fast Delivery a duna di conoce den

un comunicado cu na niun momento tabata tin discusion y cu ta respeta e trabou cu ta wordo haci pa GNC. Tambe a duna di conoce cu e motibo cu el a ser hiba e momento ey ta paso cu e no tabata tin un ID cu ne na momento di e control, pero despues di a mostra esaki, el a ser laga den libertad. Mientras tanto, e website 24ora.com a declara cu e minister ta gaña publicamente den caso di metemento den trabou di GNC pa yuda ‘sponsor principal di partido POR’. E website ta bisa di ta reta e minister pa su forma di metemento y cuestionamento di e forma di traha di GNC. Di ki manera exacto ta reta e minister, no ta conoci. E website ta bisa tambe cu di 7 persona, 5 tabata ilegal y cu e compania mes a hiba pasashi pa saca tres di nan, pendiente pa manda e otro dosnan. Ministera confirma e ultimo aki tambe durante conferencia di prensa di caracter urgente ayera mainta.

## Minister Dangui Oduber ta haya rason den corte pa caso contra di Jerry Staring

**ORANJESTAD - Director di DVG Jerry Staring a entama un caso contra e minister encarga cu salubridad Dangui Oduber (MEP), despues cu e minister a dicidi di cambia su posicion temporalmente mientras cu investigacion ta tumando luga riba e director. E minister a tuma e decision aki riba e mesun dia (6 di juli 2018) cu el a perde un caso den corte, na unda kier a prohibi entrada di e director na DVG.**

Segun un comunicado cu Bon Dia a ricibi, minister Dangui Oduber a keda contento y satisfecho cu e veredicto di hues den e caso aki. “Hues a tene bon consideracion cu e decision cu a wordo tuma y a reenforza esaki cu su sentencia. Di e manera aki ta confirma cu e decision cu a wordo tuma ta esun corecto pa cu e proceso di investigacion”, e comunicado ta bisa.

E comunicado ta sigui splica cu manera cu por corda algun tempo pasa, a ricibi kehonan

contra e director di DVG, sr. Staring. “DRH a informa Minister cu ta inevitabel cu na DVG lo mester bin un start nobo, pa meramente atende cu e kehonan aki y pa trece tranquilidad bek na DVG y cu ta conseha pa bin cu un doorlichting. Despues di a papia cu Sr. Staring a acorda entre otro cu ne, cu e lo a duna e espacio necesario pa e trabounan relaciona cu e doorlichting aki tuma luga. Despues a dun’e un toegangsontzegging cual e no keda contento.”

“E mesun dia di decision di hues aki (6 juli 2018), nos a ricibi informacion for di DVG cu e trahadonan na oficina di DVG lo no kier pa sr. Staring reanuda su trabounan na DVG y a vocifera di lo bay den accion. Banda di esey, desde cu e management team a cuminsa cu nan trabou, a cuminsa drenta hopi keho y e trahadonan a informa cu awor sin presencia di sr. Staring, nan ta sinti nan mes liber pa vocifera nan pensamiento y kehonan. Mirando e hecho cu ainda e combersacionnan

ey tabata andando, cu e investigacion nan tabata wordo haci keto bay y cu un posibel accion di parti di e trahadonan na DVG, a tuma e decision y a informa sr. Staring cu temporalmente e lo mester eherce otro trabounan na DVG cu normalmente e ta haci, pa asina mantene tambe e tranquilidad den DVG”, e mandatario ta bisa den su comunicado. E decision aki ta algo cu e minister por tuma a base di articulo 52 inciso 1 y 3 di LMA.

“Hues a haya importante pa menciona tambe cu mirando e splicacion cu a wordo duna riba e miedo cu tin na DVG, e como director lo por frustra e investigacion cu ta andando”, e comunicado ta bisa. Segun e minister, e investigacion aki ta netamente riba e kehonan concreto cu ta tocante di su mesun funcionamiento. “A base di tur esaki hues a rechasa e demanda di sr. Staring y a duna minister rason. Esaki ta trece cu ne cu temporalmente sr. Staring mester sigui e instruccionnan di minister.”





## Directiva nobo di Aruba Hotel & Security Foundation instala

**ORANJESTAD - Aruba Hospitality and Security Foundation a introduci un Hunta di Directiva nobo e siman aki. E hunta nobo di AHSF ta consisti di 7 persona cu tin como meta pa mantene seguridad pa e sector turistico.**

Segun un comunicado cu Bon Dia Aruba a ricibi di AHATA, e miembronan di directiva ta consisti di Tisa LaSorte (CEO di AHATA) como presidente, Raymond Habibe (Director di Finanza di Aruba Marriott Complex) como tesorero y Michelle de Groot (Director di ATIA) como secretario, mientras e



directornan ta Andrew Hooch (Altocomisario di Cuerpo Policial Aruba), Patrick Melchior (representando ATA), Paul Seute (Director di seguridad di Tropicana Resort &

Casino) y Andy Osbourne (representando ATSA).

E directiva nobo di Aruba Hospitality and Security Foundation (AHSF) a reuni y a revisa e proyectonan pendiente pa 2018 pa ehecunanan debidamente prome cu fin di aña, incluyendo ekipo y training adicional pa polisnan y training pa team di seguridad na hotelnan. "Mientrastanto lo cuminsa crea plannan pa aña 2019 basa riba vision strategico y pa sigui mehora e capacidad di polis y di team di seguridad hotelero. Finanzas pa e proyectonan ta den budget di Aruba Tourism Authority

(ATA), di fondonan ricibi di e impuesto cu turistanan ta paga durante nan estadia na hotelnan."

Segun e comunicado, un esfuerzo importante di e fundacion ta coordinacion y comunicacion diario entre polis y team di seguridad na hotelnan. Recientemente e CEO di AHATA y presidente nobo di AHSF, Tisa LaSorte, a tene un encuentro cu hefe di polis pa e distrito di Noord, esta altoinspector Eric Soemers y Inspector Jonathan Henriquez, pa introduci su mes y continua e coordinacion productivo entre e fundacion y cuerpo policial.

*Un aña despues di e kimamento na Pasadia Briyo di Solo:*

## Cla pa cuminsa e aña escolar yen di animo

**ORANJESTAD - Diabierna cu a pasa tabata precies un aña pasa cu Pasadia Briyo di Solo a kima, riba e prome dia di scol despues di vakantie grandi.**

Segun un comunicado di SVGA, e tabata un tristesa grandi pa cliente y trahado pa wak nan luga destrui completo. "E team di pasadia Briyo di Solo a pone man na obra y a logra lanta e luga bek hunto cu ayudo di seguro y hopi persona den comunidad. Por wak e potretnan di nos clientenan cu ta asina contento di ta bek den nan luga pa cuminsa un aña escolar cu yen animo."

Personanan special tambe tin derecho di desaroya nan mes y tin un luga unda nan ta sinti nan mes bon den comunidad unda por comparti cu otro, e comunicado ta bisa.

"Tur e ayudo cu Pasadia Briyo di Solo a ricibi durante e aña dificil cu a pasa aden ta muestra cu e derecho aki ta wordo reconoci door di hopi hende na Aruba."

"Stichting voor Verstandelijk Gehandicapten Aruba (SVGA) ta cuminsa e aña escolar nobo deseando tur nos cliente/alumno, mayor y trahado di Pasadia Briyo di Solo, Centro Man na Obra, Cas Sjabururi, Pasadia Bibito Pin y Scol Dununman hopi exito pa cada un logra su meta personal."

